

Desempleo 2014: subi un poco



E aña aki tabatin hopi reto specialmente riba mercado laboral. Esaki e minister encarga a informa ayera. Pa 2014 e ora e ta proyecta cu e desempleo a subi un poco pa yega 8%. Pero e tin speransa grandi cu e hotel nobo otro aña na San Nicolas lo cambia e situacion den un forma positivo.

Les mas riba pagina A2



Crisis constitucional riba agenda

E reunion anual entre parlamentonan den Reino (IPKO) tin hopi punto riba agenda. Pero e crisisnan constitucional (KB, screenmento di candidato pa minister) lo bira un tema importante riba e siguiente reunion na januari, cu ta na Aruba.

Les mas riba pagina A3

Website nobo di gobierno

Gobierno ta trahando riba su website y ta muestra cu lo tin hopi cambianan. Entre otro un loket digital. Te ainda no ta conoci si ciudadano realmente por uza esaki pa haci transaccion cu gobierno sea pa cierto servicio cu awor mester para den rij pa haya.

Les mas riba pagina A9



Detencion tiramento San Nicolas

6 persona, polis a detene durante e accion di tiramento preventivo na San Nicolas. Y polis ta informa Bon Dia Aruba cu tambe tin detencion relaciona cu e ultimo casonan di tiramento na San Nicolas.

Les mas riba pagina A4



Awo cu 2 florin mas, bo por gana e **MEGA PLUS**

* Afl. **1.500.000,-**

* Afl. 1.000.000 + Afl. 500.000 extra

Obtenibel na cualkier rebendedo di Lotto.

sorteo ta awe noch



OLD PARR
TAPA DI SEGURIDAD. EXIGI CALIDAD!

To life **Old Parr**

PLEASE ENJOY RESPONSIBLY. 18+



Pronostico di tempo:

Chens pa awasero pasahero

ORANJESTAD – Pronostico di tempo ta indica cu tempo ta parcialmente nubia cu chens di awasero pasahero. Temperatura maximo ta 32 ° grado Cel-

sus y temperatura minimo ta 27 ° grado Celsius.

Tempo pa mainta : Parcialmente nubia te principalmente poco nubia. Awasero

aisla posibel. Maximo: 31°. Heat index te 35°. Indice ultravioleta: 8. Biento di oost alrededor di 22 nudo cu rafaga di 32 nudo.

Tempo pa anochi: Poco

nubia te parcialmente nubia. Leve posibilidad di awa despues di madrugada. Biento di oost alrededor di 24 nudo cu rafaga di 34 nudo. Posibilidad di awa menos di 20%. □

Ta premira cu lo baha na 2015

Proyeccion 2014: desempleo a crece levemente

ORANJESTAD – Minister Paul Croes a reconoce cu 2014 tabata un año di hopi reto specialmente riba mercado laboral. Mientras di un banda e cantidad di hende cu a drenta mercado laboral a subi; di otro banda e nivel di desempleo a subi levemente e año aki.

Igualmente e mandatario ta premira cu eventualmente e cifra di desempleo lo baha otro año mirando cierto proyectonan cu lo ta na caminda.

E cantidad di persona adicional cu ta trahando na Aruba a subi di 52.517 persona pa 53.474 persona. Kiermen esaki ta un aumento di 950 adi-

0.6% compara cu año 2013 cu a cera año cu 7.6%. Pues e cifra di desempleo pa 2014 ta alrededor di 8%. Mandatario a aclaria cu esaki ta un proyeccion ainda.

El a splica cu e motibo leve tras di e aumento aki ta relaciona cu proyectonan cu no a inicia e año aki, entre nan Parke di molina na Uri-rama, Hard Rock Hotel y otro proyecto cu tabata den e proyeccion di e mercado laboral pa 2014.

Speransa pa 2015

E mandatario ta premira cu pa año 2015 e efecto di e diferente proyectonan aki lo ta mas grandi riba e cifra di desempleo. Sinembargo e mandatario a declara cu de-



cu a wordo menciona caba y cu seguramente lo inicia otro año. E ta kere cu pa año 2015 nos cifra di desempleo lo

hotel na San Nicolas, e ta enfatisa. Esaki lo tin un impacto positivo pa baha e cifra di desempleo otro año, tanto pa es-



cional cu ta trahando den nos mercado laboral. Pa loke ta trata e cantidad di persona cu no ta trahando, esaki a conoce un aumento leve d 0.5 pa

empleo lo baha na 2015, teniendo cuenta cu e proyecto na San Nicolas, esta e hotel nobo Bahia Principe y otro- nan den area di Palm Beach

baha kisas cu un 1%, pa asina yega na un indice di 7% di desempleo. Minister Paul Croes tin hopi speransa cu e proyecto di e

unann cu lo traha den e construccion di e proyecto aki, y tambe pa e cupo di trabou cu esaki lo produci ora cu e hotel lo bin cla. □

Cantidad di prome permiso di trabou a baha cu 10%

ORANJESTAD – Pe año aki a wordo premira un cantidad di un 10% menos di prome permiso cu a wordo otorga na trahadonan importa.

Esaki minister Paul Croes encarga cu Labor a informa

ayera. E ta bisa cu e maneho relacion cu admision di stranhero pa traha na Aruba ta siguiendo riba rumbo cu nan a anuncia na inicio di 2014. E proceso pa ricibi un solicitud di trabou ta pasando den un control mas stricto pa baha e cantidad di trahado di afo y

dunando oportunidad na nos trahadonan local.

E mandatario a bisa cu e motibo principal tras di e maneho di restricción aki tin di haber cu e nivel di desempleo cu ta alrededor di 8% actualmente (por lesa den e otro articulo

riba e pagina aki). Ta importante pa trata di acomoda primeramente nos mercado laboral local, y despues nan ta considera un opcion pa otro persona di afo por haya e cupo di trabou aki, asina el a expresa den un conferencia di prensa ayer mainta. □





Bo cadena di numbernan di suerte ta duna e number di awe


Sorteo di 22 DECEMBER 2014



Signo: PISCIS



DIARIO



SUPER 4



Proximo IPKO cu bista riba crisisnan constitucional

ORANJESTAD —**Proximo edicion di reunion interparlamentario di Reino (IPKO) lo bay tin enfoca riba entre otro e uzo corecto di articulon 15 y 21 den Reglamento di Gobernador di parti di Consejo di Minister di Reino y e screenmento di candidatonan pa minister.**

Esaki Bon Dia Aruba a constata den ultimo concepto di e agenda pa e conferencia cu ta bay tuma luga entre 6 y 9 januari proximo den Renaissance Convention Center aki na Aruba.

Gran parti di e topiconan pa e conferencia ta continuacion riba puntonan cu a wordo discuti durante ultimo edicion di IPKO cu a tuma luga na Den Haag na juli (potret) y tripartiet parlamentario. Entre otro e parlamentonan di Aruba, Corsou, St. Maarten y Hulanda ta bay check cu otro con a para cu trabounan acorda riba tereno di energia, plannan pa un conferencia riba salubridad na Aruba, integridad di gobierno y discriminacion den Reino.

Tambe ta bay raporta cu otro riba tereno di educacion y bienestar di hoben y mucha, un topico cu ta keda di interes despues di un rapport cu Unicef a traha riba e estado di muchanan y hubentud den parti Caribeense di Reino. Na

juni a haci acuerdonan riba tereno di oportunidadnan economico den Reino, integridad, salubridad publico, energia y debenan di studiantenan.

Energia y debe estudiante

Interesante ta e topico di energia. Na juni a acorda cu durante e IPKO aki lo bay yega na un protocol di cooperacion den Reino pa loke ta energia geotermico. TNO lo

y paga bek cu studiantenan Hulandes. Entre otro lo wak si por cambia e suma cu debe di euro pa dollar y pa laga e paisnan mes cobra e sumanan aki.

Pa esunnan cu ta studiando awo of tin un debe cu DUO, lo bay wak posibilidad di duna paisnan Caribeense acceso na e database di DUO. Tambe DUO lo pone ofcinanan local na e paisnan, mescos cu tin awo na Bonei-



a investiga forma aki di genera energia na Saba, St. Eustatius y St. Maarten aworaki. Educacion tambe ta muestra di ta un punto di interes. Na juni a acorda entre otro cu lo bay trata di yuda studiantenan Caribeense pa haya e mesun condicionnan di fia

ro. Mester bisa cu despues cu e sistema di prestamo nobo a wordo ratifica na Hulanda, niun di e ideanan aki a wordo treci dilanti.

Crisis constitucional

E biaha aki sinembargo, e tema grandi den 'back-



ground' di e reunion ta muestra di ta e crisisnan constitucional cu a tuma luga e aña aki. Pa cuminsa lo bay trata un biaha mas e asina yama 'geschillenregeling' cu e paisnan Caribeense kier pa asina laga un instancia independiente para arbitro den casonan legal y constitucional entre paisnan den Reino. Tambe lo bay papia riba Consejo di Minister di Reino su uzo di e articulon menciona y e screenmento di candidatonan pa minister.

Oportunidadnan economico

Parlamentarionan di Reino lo bay papia tambe un biaha mas riba e idea di paisnan trahando oportunidadnan economico conhuntamente. Pero ta muestra cu e tono ta bay ta un tiki otro si. "Nos ta corda hopi bon dia prome minister Rutte a invita e paisnan den Reino pa: ban gana placa hunto. Nos kier sa awo con nos por concretisa

esaki", segun Rene Herdê, cu ta den comision preparatorio di parlamento di Aruba.

Tin un lista largo di topiconan pa sigui riba dje. Biaha pasa a acorda entre otro cu delegacion Hulandes lo bay pidi minister di Asuntonan Exterior pa pidi contribucion di Aruba, Corsou y St. Maarten pa loke ta e agenda anual di e embahadornan Hulandes. Tambe lo bay pidi minister pa acerca paisnan Caribeense den Reino na ora, prome cu hinca delegacion den otro pa misionnan comercial. Lo bay yuda paisnan Caribeense den Reino haya mas forsa den World Trade Organisation, entre otro di facilita cursonan eynan. Hulanda tambe lo bay check con a para cu ehecuccion di e asina yama 'amendement Bikker' tocante casacion den casonan di impuesto y e delegacionnan ta urgi pa inclui paisnan Caribeense den negociacionnan pa loke ta acuerdonan di impuesto.

Continúa riba Pagina 4

Tambe pa sincronisa cu otro fundacionnan den situacion similar

'Departamento di Financia lo sinta cu Casa Cuna na januari'

ORANJESTAD - **E acercamento cu lo tuma luga na januari lo ta entre algun fundacion cu ta den situacion mescos cu Casa Cuna, segun Paul Croes, minister encarga cu asuntonan social.**

E meta lo ta pa yega na miho control riba y transparencia entre e fundacionnan y gobierno, pa evita un situacion similar den futuro y pa "verreken" cu Casa Cuna. Esaki ta su comentario cu Bon Dia Aruba finalmente a ricibi despues a publica 11 di december riba e situacion financiero di e fundacion.

E caso ta cay bou di minister encarga cu financia, sr. Croes ta continua. Esaki tin di haber cu e calculacion di e fondonan



y cu Casa Cuna mester ricibi ta entre 800 mil y 900 mil. Manera Bon Dia Aruba ya a trece dilanti, cu e suma aki ta acumulacion di fondonan cu fundacion di Casa Cuna no a

ricibi desde aña 2005. E motibo ta cu gobierno no a duna, ta pasobra no tabatin control di Centrale Accountantsdienst riba e cuentanan anual di Casa Cuna.

"Den combersacion cu minister di Financia a yega na e decision cu pa aña 2015, lo bay discuti riba e contracto cu tin cu e organizacion aki. Lo bay discuti riba e criterio pa control tuma luga. Pero cu e meta final pa por yega na e verrekening cu Casa Cuna."

Otro fundacionnan

Banda di Casa Cuna tin Stichting Kinderhuis Imelda Hof den e mesun situacion y tin SVGA (Stichting voor Verstandelijk Gehandicapten Auba) cu ta cay bou di e mesun contract aki, sr. Croes ta splica. "Locual nos kier haci ta, harmonisa tur e contractnan cu gobierno tin cu tur e fundacionnan na Aruba." Segun e mandatario e no por ta asina cu gobierno tin contract

"A" cu cierto criterionan di control pa un fundacion, y contract "B" cu ta e mesun tipo di fundacion den e tereno social, pero cu diferente criterio di control. "Tur esaki mester wordo harmonisa y standarisa."

Na momento cu esaki sosod lo bay tin un liña di control y un instancia cu lo bay coordina e aspecto di subsidio, tambe pa mira e resultado di e fundacionnan.

"Awendia gobierno no tin un bista cla, den locual e fundacionnan ta planifica na inicio di aña y locual cu ta resulta na final di aña. Gobierno ta boga pa mas transparencia pa evita e sorto di retrasonan aki den futuro", sr. Croes ta termina. □

BON DIA Aruba

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Hefe di Redaccion

Sharina Henriquez

Redactor Ehecutivo

Dionne Fradl-Jie Sam Foek
Zulaica Maduro

Redaccion

Benjamin Romero
Nathalie Winterdaal (Deporte)
Yakari Gabriel
Nadien Philip
Margarita Els

Coreccion

Jaime A. Mata

Colaboracion

Ariën Rasmijn
Oscar Vidal
Masnoticia
NoticiaCla
Associated Press
New York Times
Ret Karibense

Fotografo

Maritza Tromp- Lacle

Ehecutivo di Benta

Brigitte Wauben (Hefe)
Marijke Croes-Luidens
Mark Gomes

Diseño Grafico

Michael Arendsz

Aviso y Arte

Sandra Loefstop
Lando Rafael
Gladis Palomino-Silva
Robert Cortez

Administracion

Xiomara Arends (Hefe)
Mariette Engelhart
(Hefe di Personal)
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirks

Afiliacion

Sociedad Interamerica
di Prensa (SIP)

DIRECCION

Weststraat #22
Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

Detencion a cay na San Nicolas relaciona cu caso di tiramento

ORANJESTAD – Diadomingo anochi tabata tin detencion cu a tuma luga na un cas na Weg Rooi Hundo relaciona cu e ultimo casonan di tiroto na San Nicolas.

Recherche a haci un entrada hudicial unda cu nan a haya basta droga, placa y arma. Ristamento preventivo (potret) na San Nicolas den fin di siman a conclui cu

6 detencion, segun vocero policial Lito Lacle.

Segun e investigacionnan ta wordo haci, detencionnan tambe ta wordo haci segun cu fiscal duna ordo pa detencion, e ta bisa Bon Dia Aruba. Recientemente tabatin un detencion cu a tuma luga na Paramira den cual un auto a wordo confisca cu tambe ta relacion cu e ultimo tironan na San Nicolas. Un hoben



menor di edad a wordo deteni na e ocasion aki, pero no a haya ningun arma na e cas.

Menos arma riba caya

A puntra sr. Lacle si por spera mas ristamento preventivo na San Nicolas mirando cu keto bay ta haciendo detencion y ta haya personanan den posesion di arma ilegal. Sr. Lacle a bisa cu sigur si sinti cu tin necesidad di mas control preventivo, permiso lo wordo pidi pa organisa esakinan. “Nos ta contento cu cada arma cu nos kita for di riba caya, pasobra ta un menos den man robes.”

Tata y yiu cu arma

Ayera mainta polis a detene un tata (38) y yiu(18) pa posesion di arma di candela. E arma tabata den nan auto. Polis a nota un actuacion straño y sospechoso di dos persona den un auto na altura di Lodge El Sol Naciente, situa riba e caminda di Cumana. Ora a para y rista e vehiculo, nan a haya e arma y a detene e homber C.H.K. y su yiu R.A.K.

“Un persona por haya maximo 4 año pa motibo di posesion di arma ilegal”, vocero di polis, Lacle ta remarca. □

Continuacion di Pagina 3

Corsou ta marca e agenda
Hopi notabel ta e hecho cu mayoria di e puntonan nobo

aki den agenda pa e conferencia a wordo treci dilanti pa Corsou. Di sr. Herdè Bon Dia Aruba ta haya di comprende sinembargo cu no ta cla ainda ki angulo Corsou ta tumando cu e topiconan aki. Tur pais ta bin cu nan mesun contenido pa e topiconan den asina yama ‘papers’. Parlamento di Aruba tin su papers casi cla y sr. Herdè ta bisa cu tur tres partido den Staten di nos pais ta riba mesun liña pa loke ta contenido den tur topico. Menos si riba cierto formulacion den papers di integridad di gobierno y e screenmento di candidatonan pa minister. Sinembargo e ta bisa cu e tin fe cu lo yega na otro tambe pa cu esakinan.

Bishitanan

Entre reunionnan aki, parlamentarionan di Reino tambe lo haya oportunidad pa strek nan pia un rato. Lo bay tin un recepcion di parti di presidente di parlamento di Aruba y den e programa tin dos bishita planea, uno na e edificio nobo di Corte na Oranjestad y uno na e facilidadnan di ‘waste-to-energy’ di Ecogas na Barcadera. Riba diabierna 9 di januari e reunion interparlamentario di Reino ta termina cu ratificacion, presentacion y firmamento di un lista nobo di acuerdo y un conferencia di prensa. □

SILVERHOUSE
Jewelry Store

Orario

19 dec-10am / 7pm
20 dec-10am / 7pm
21 dec-10am / 2pm
22 dec- 10am / 7:30pm
23 dec-10am / 7:30pm
24 dec-10am / 6:30pm

Merry Christmas

Laga luz di Pasco ilumina nos comunidad y cu Dios drama su bendicion riba Aruba.

Danki pa boso confiansa
Gerencia y Staff

AIR TECH
Flemmingstraat #12



ORANJESTAD – Awe mainta Hues di Corte den Prome Instancia lo dicta sentencia pa Raphael Vrolijk, kende ta wordo sospecha di a dal mas e estudiante Mericano S.H. riba 24 februari 2014.

Tratamento di e caso a tuma luga algun siman pasa caminda emocionnan tabata halto den sala di Corte. Especialmente ora cu mama di S.H. a haya permiso di Hues pa expresa su mes. Un rato prome e mama, pa medio di imagennan di video di siguridat, a mira con Vrolijk a dal su yiu cu mokete cu forza den cara y S.H. a cay abou for di tino. E mama a grita yora ora el a mira e imagen aki. Ora e tabata expresa su mes, por a mira con Vrolijk tabata yora.

Prome a pasa e video, e sospechoso tabata para riba cu el a solamente pusha e victima. Pero ora e video a wordo pasa por a mira claramente cu Vrolijk no a pusha sino dal y cu forza. Hues a remarca cu por mira claramente cu Vrolijk a dal e victima cu hopi forza.

Vrolijk despues di a mira e imagennan a bisa cu awor e ta mira cu el a dal cu hopi forza. Hues a bisa e sospechoso si e ta haya cu el a actua den forma profesional. El a contesta cu e no ta haya cu el a actua asina.

Disculpa

Hues a remarca cu si Vrolijk ta traha 11 aña den siguridat y como portier, con por ta cu el a actua di e forma aki. Segun Vrolijk pa motibo di experiencia, ora un hende bisa cu e ta bay bin bek, por spera problema. El a splica cu hende a yega di tire cu boter y otro a yega di saca cuchiu. Hues a remarca cu como portier Vrolijk mester ta prepara pa situacionnan asina. Hues a bisa cu si mira e imagennan, por ripara cu H.S. lo a expresa cierto cos y Vrolijk a reacciona riba esaki cu e mokete cu hopi forza. Ariba e imagennan por a mira tambe cu ora a bay carga e victima, e

tabata for di tino.

Na dado momento Hues a honra e peticion di e sospechoso Vrolijk pa e pidi disculpa. Na yoramento el a pidi e mayornan di e victima disculpa pa loke a sosode y cu ningun momento su intension tabata pa mata S.H.

Exigencia

Fiscal ta haya Vrolijk culpabel di a dal mata S.H. El a bisa cu for di e video di siguridat por mira cu tabatin un discusion entre S.H. y Vrolijk. Segun e sospechoso, S.H. lo a ofend'e y esey tabata motibo cu el a bay riba dje y dal'e cu mokete. Fiscal ta haya cu e sla tabata asina duro cu S.H. a cay plat cu lomba ariba vloer y a bay di biaha den coma.

E sla di e mokete y e sla di e cabes contra e suela a haci cu un ader den e cerebro di S.H. a scheur y esaki a causa cu e cerebro a hincha y a causa su morto. E sla tabata asina severo cu e dokternan cu a atende e victima a bisa cu no tabatin sentido di haci nada. Na opinion di Fiscal, e victima despues di e sla di Vrolijk, nunca mas a lanta.

Fiscal ta haya cu tin un relacion entre e sla di Vrolijk y e daño na e cerebro di e victima. Fiscal a splica Hues cu el a scohe pa no acusa Vrolijk di a dal mata pasobra e no ta kere cu Vrolijk tabata kier pa e victima a muri. Fiscal tambe a bisa cu e no ta convenci cu un mokete duro den cara lo por causa morto. Fiscal a sigui bisa cu e ta convenci cu e sla cu Vrolijk a dal S.H. por causa daño na su curpa. E sospechoso, un persona yen y duro a dal e victima cu hopi forza y e victima no tabatin ni chens pa defende su mes.

Rapport

E rapport di Instituto Forensico di Hulanda (NFI) a confirma cu pa motibo di e sla di mokete, a causa cu e victima a dal su cabes duro ariba vloer cu consecuencia fatal. Fiscal ta haya cu e sospechoso Vrolijk, como hefe portier, a viola su trabou y deber di percura pa tin tranquilidad. Na

Awe sentencia ta cay pa portero cu a dal estudiante mata na club nocturno

opinion di Fiscal, net esun cu Vrolijk mester a proteha, el a mata. Sin ningun motibo. Tabatin un discusion pero ningun momento e victima a tuma un postura di agresion contra Vrolijk, segun e Fiscal.

Fiscal a tuma Vrolijk hopi na malo cu henter e periodo cu a pasa, ningun momento el a muestra di ta arepentí di loke el a haci. Tambe ningun momento realmente el a expresa disculpa na e mayornan di e victima, te awor. Fiscal a exige 4 aña y 6 luna di prizon, kitando e tempo cu Vrolijk ta cera den KIA.

Bon Dia Aruba lo informa lectornan di kico ta e decision di Hues awe. □



Weekend Stay at La Cabana

Chamila Bracelet

Shopping Spree at Maggy's

★★★★★

Marriott's Ocean Club
Perfumery

★★★★★

Paseo Herencia Mall
Perfumery & Salon

★★★★★

Express Sta. Cruz
Salon

★★★★★

San Nicolas
Perfumery

★★★★★

Main Street
Perfumery

f Maggysaua | Tel: 529-2113 | www.maggysaruba.com

Decision futuro di Landslaboratorium ainda no a cay

ORANJESTAD - Tin un retraso pa cu e decision riba e futuro di e Laboratorio Nacional (Landslaboratorium).

Esaki Bon Dia Aruba a contesta ora ta busca informacion riba e conseho cu pa basta tempo ta riba mesa. Minister Alex Schwengle encarga cu Salud Publico a bisa na october cu pa januari e laboratorio lo sigui den un otro forma. Den sentido cu no ta cay bou di gobierno mas. Esaki ta un plan cu pa hopi aña gobierno

kier ehecuta pero no a logra.

Gobierno a laga Aruba Investment Bank (AIB) haci un analisis. Un opcion ta pa pone Landslaboratorium bao maneho di hospital via un construccion di un fundacion manera Bloedbank pa por absorbe e plan social. E di dos opcion ta privatisa e laboratorio completamente. Minister Schwengle ta prefera privatisacion ya cu esaki lo trece mas movimiento den e mercado liber, bahando e prijsnan mas miho y mehorando e calidad



na un velocidad mucho mas lihe cu pone bao di hospital.

10 di october e minister mes- ter a sinta hunto cu sindicato Seppa y Landslaboratorium pa evalua e conseho final

di Aruba Investment Bank (AIB) y departamento huridico riba e futuro di e laboratorio di gobierno, pa tuma un decision. Pero Bon Dia Aruba ta compronde cu te ainda no a cay un decision. Manera

Bon Dia Aruba a sa di publica den pasado, Seppa tin un otro pensamiento riba e conseho di AIB y no ta sostene esaki.

E problema ta keda cu e laboratorio no tin suficiente placa pa por opera adecua. E aña aki Bon Dia Aruba ya a skirbi cu e instancia no por a haci cierto test pa motibo di esaki y cu esaki a trece e salud di pash- entnan na Aruba den peliger. Riba esaki minister di Salud Publico nunca a duna Bon Dia Aruba un comentario. Con e situacion financiero na e momento aki ta, no ta conoci. E minister awor ta cu vakantie y te awor Bon Dia Aruba no a haya e contestanan pidi. □

Segun vocero policial

Ainda no tin sospechoso den caso di polis femenino

ORANJESTAD - E investigacion den e caso di e polis femenino ta den man di Ministerio Publico. Te ayera anochi no tabatin niun persona deteni.

Vocero policial Lito Laclé ta bisa cu e no ta na altura si e polis femenino a entrega keho. Tampoco e por confirma si e polis ta viola. Bon Dia a Aruba a puntra sr. Laclé pa detaye di e suceso, pero e unico informacion cu e ta duna, ta cu ta un colega polis femenino y cu e caso ta bou investigacion. Asina cu tin detencion e lo informa medianan di esaki, e ta bisa.



core riba e desaroyo di e caso aki. Bon Dia Aruba a puntra sr. Laclé si e comentarionan aki ta wordo teni na cuenta pa Cuerpo Policial, den e caso aki. E ta bisa cu tin un departamento cu ta monitor e medionan social y locual cu ta relevante pa e investigacion lo wordo uza pa e investigacion.

Reaccion negativo

Riba Facebook tin hopi comentario negativo y positivo, cu lo por ta rumor y redo cu ta

Comentario di vocero policial riba e comentarionan negativo dirigi na e investigacion

ta, cu nada no ta hustifica of duna un persona derecho pa 'viola' un otro persona. Comunidad mester mira cu esaki ta un mucha muhe jong cu por ta bo yiu, bo ruman muhe, un mama entre otro, sr. Laclé a bisa. "E persona aki ta keda cu un daño pa semper." Pero manera menciona, e vocero no ta confirma cu e polis realmente a pasa den un situacion asina.

Caso dificil

Den caso cu ta trata di violacion sexual, e caso mester wordo hinca den otro completo prome, como cu hopi biaha e ta un persona declaracion contra di un otro. "Den caso di abuso sexual semper ta dificil pa e victima prueba esaki", sr. Laclé a termina. □


Aruba Bankers Association

Closing Hours

Christmas:

Wednesday,	December 24, 2014 at 12:00 p.m.
Thursday,	December 25, 2014 closed
Friday,	December 26, 2014 closed

New Year:

Wednesday,	December 31, 2014 at 12:00 p.m.
Thursday,	January 1, 2015 closed
Friday,	January 2, 2015 closed

*Happy Holidays
and a Prosperous 2015*

Arubabank
understands



RBC Royal Bank

CMB
CARIBBEAN MERCANTILE BANK N.V.



BANCO DI CARIBE



Notariskantoor Rodriguez-Taekema

SUCU / De la Sallestraat 60

tel 588-2400 fax 588-2500 cel 593-5805

email notarisrodriguez@setarnet.aw

deelt u bij deze mee dat het kantoor gesloten zal zijn
van **24 december 2014 tot en met 4 januari 2015**

ta participa cu su oficina lo ta sera
**di dia 24 di december 2014
te cu 4 di januari 2015**

announces that its office will be closed from
December 24th, 2014 till the 4th of January, 2015

*Fijne Feestdagen
Feliz Dñanan di
Fiesta Happy Holidays*

Museo Arkeologico Nacional Aruba:

34 por ciento mas bishita di turista

ORANJESTAD - E cantidad di bishitante di Museo Arkeologico a surpasa 10 mil cu un crecimiento den cantidad di bishitante internacional cu mas di 1700 turista.

y amigonan cu a bin pasa dianan di fiesta for di exterior ta recorda nan cu exposicion di Museo ta cera solamente dialuna pa publico. Por pasa den weekend tambe entre 10'or y 2'or. □



Un encuesta haci como parti di un pasantia a indica na augustus cu turistanan ta busca y haya informacion di riba internet ya prome cu nan bishita nos isla. Esaki e museo a informa

Bishita di local

Ta keda un reto pa en curasha bishitantenan local pa bin conoce e museo. Mayoría persona local cu bishita museo, na 2014 mas cu 4000, ta ripiti nan bishita.

Bishitantenan nobo ta yega principalmente riba dianan nacional y durante actividadnan special manera por ehempel e aña aki dia di e Paseo Monumental. Museo mester por dirigi mas fondo y otro medionan pues na su programacion pa e publico local sigur tambe pa alumno y docentenan di scol, Museo Arqueologico ta relata.

Trabou na edificio

Trabounan di mantencion na e edificio monumental, antiguo cas di famia Ecury den Schelpstraat, ta practicamente cla. Como cu ya e a pasa 7 aña desde cu a cuminsa haci uzo di e facilidadnan lo mester dirigi fondo den 2015 den remplaza ekiponan manera por ehempel e sistema di airco.

Mantencion di tur ekipo ta keda primordial den e tempo venidero si museo ta desea di sigui haci e bon impresion riba e bishitante manera e experiencia ta awor.

E ultimo lunanan aki Museo a inicia dos trayectorio hopi importante, esta e peticion oficial na gobierno pa pone e 2 prome sitionan arkeologico riba lista nacional di monumentonan protegi y e acuerdo di colaboracion pa investigacion cientifico cu a firma cu Universidad di Leiden pa medio di e proyecto internacional 'Nexus 1492'.

Orario pa bishita

Pa e temporada di fiesta nos dilanti Museo lo ta cera dianan 24, 25, 26 y 31 di december 2014 y dia 1 y 2 di januari 2015. Prome dia cu ta habri lo ta diasabra 3 di januari. Pa tur esnan cu ta desea di bishita Museo cu familiar

Defining style as you go.



- 1.0 L engine/ 3 cylinders
- Dual airbags
- Back-warning system
- Power window
- Smart Key
- Push/Start button
- Chrome package
- Sporty bumper with muffler
- Front Fog Lamp
- LED lamp package
- Side repeater lamp
- Leather wheel & knob
- 15" alloy wheels

Manual Afl. 25,900
Automatic Afl. 27,700
(excl. bbo)



The Power to Surprise

picanto
Sport

Puntonan di alerta den economia mundial pa 2015

ORANJESTAD – Un punto di atencion pa 2015 tin di haber cu e crisis economico na Rusia.

Caida mundial di prijs di petroleo y e sancion economico di comunidad internacional contra Rusia su mishimmento na Ucrania y anexo exitoso na Crimea, a ocasiona un crisis monetario.

Pero analistanan ta expresa nan temor cu presidente Ruso, Vladimir Putin lo hustifica e crisis economico y e sancion internacional pa bin cu agresion nobo pa distrae su pueblo Ruso riba nan problemanan economico.

“E peliger cerca Rusia ta cu e bear ta herida”, asina Ed Yardeni kende ta presidente di un compania di conseho di inversion, esta Yardeni Research a bisa.

Putin lo por bati e tambor nan di guerra contra ex paisnan Sovietico unda ainda ta biba poblacionnan Ruso importante como Estonia y Letonia. E dos paisnan aki ta miembronan di OTAN (na diferencia di Ucrania).

Di otro banda un speranza ta cu e caos financiero di Moscu lo mantene e pais bou control. “Rusia a wordo practicamente domestica”, asina otro analista a bisa.

2. Medio Oriente

Otro enfoko di interes economico mundial ta Medio Oriente. E prijs di e petroleo cu a cay substancialmente ta crea un bataya pa e dominio regional entre Arabia Saudita y Iran, cu lo por bira mas pisa na 2015.

Den e ultimo añanan a aparece puntonan di tension pa eherce un influencia na Bah-



rein, Irak, Siria y Yemen.

E decision di OPEP pa mantene e produccion di petroleo stabiel a crea un dolor di cabes financiero grandi na

Iran. Esaki lo por trece un mayor riesgo entre e rivalidad cu ta existi entre Iran y Arabia Saudita cu lo por sali fo'i man.

E Iraninan lo por haya mas ayudo di Rusia cu tambe tin mester pa e prijs di e petroleo lo por subi.

“Arabia Saudita a dicidi di crea un situacion hopi doloroso pa e Iraninan y Ruso durante e proximo seis pa ocho luna”, asina Michael Moran kende ta director gerente di e compania di advies Control Risks a bisa.

3. ISIS/Gruponan terrorista

ISIS no tabata den e radar di e gruponan terrorista internacional. Pero e aña aki e organizacion terrorista aki a dicidi di expande su accion riba e panorama mundial y e consecuencia economico cu e problematica terrorista ta trece cu ne.

Aunke Merca su atake aereo a yuda pa frena ISIS su expansion territorial den areanan clave y strategico, ainda e grupo aki ta masha activo. Analistanan internacional ta considera cu ISIS ta un menasa grandi pa e estabilidad di e paisnan bisiaña y productor di petroleo manera Jordania, Libano, Arabia Saudita y Turquía.

4. Rivalidad Asiatico

Asia cu ta un region mundial cu gran poder economico tin un historia largo cu nan paisnan no ta mantene un bon relacion enter nan. Un ehempel di esaki ta e discordia territorial entre China y Hapon, kiemen e di dos y di tres economia mas grandi di mundo.

For di un vision di e pais-

nan occidental, e menasa economico mas grandi entre e dos rival poderoso di Asia Oriental, esta China y Hapon, ta sinta basicamente riba e cadena di suministro.

“E cosnan lo stagna hopi rapido. Lo tin problema economico den henter planeta”, asina Michael Moran kende ta director gerente di e compania di advies, esta Control Risks a bisa.

Pero esaki no tin di haber absolutamente di China.... E retiro di e trupanen Mericano di Afghanistan lo por ocasiona un bashi di poder den e pais clave aki.

E acontecimiento na Afganistan ta di un interes grandi pa Pakistan y India, dos paisnan cu energia nuclear cu ta moviendo den direccion totalmente robes un for di otro.

E analistanan ta observa cu apesar di nan problema di pobreza y corrupcion, India ta birando un potencia economico y militar. Mientras cu Pakistan ta cayendo mas y mas den direccion di radicalismo.

Tambe Nort Korea ta aparece riba e mapa di preocupacion economico pa 2015. Ta conoci e tension cu Nort Korea ta produci cu su bisiaña Sur Korea y e paisnan Occidental. E atake cibernetico contra Sony, caminda tur sospecho a cay riba Nort Korea, a muestra nan capacidad cibernetico poderoso.

“Nort Korea ta un herpe di e geopolitica. In biaha e ta wordo activa y despues e ta inactivo. E ta un cos fastioso”, e analista Michael Moran di e compania di advies Control Risks a bisa. □

Hunto nos ta logra mas!

Atencion!

Loketnan ta cera 24 t/c 26 di december 2014, 31 di december 2014 & 1 y 2 di januari 2015.



Bon Pasco y Feliz Año 2015!

Balashi 76, Aruba | T. 525 4200 | F. 585 2000
E. info@webaruba.com | www.webaruba.com

Gobierno ta cambiando su website

ORANJESTAD – Gobierno ta trahando riba su website www.gobierno.aw y www.overheid.aw. Pa motibo cu ta haci e cambionan riba e websites live, por sigui e desaroyonan.

E luna aki gobierno a informa pueblo cu tin trabou di mantencion riba 16 pa 19 di december. Pa motibo di esaki bishitantenan ‘por experiencia algun problema ora nan a purba di haya acceso na e website’, segun gobierno. Pero awor por mira cu no ta trabou di mantencion pero un cambio drastico di e medio.

Na prome instante e layout ta diferente. Por mira un otro logo, e simbolo cu e aña aki a bira uno nacional, esta e shoco. Tambe e menu ta diferente unda ta haya tur e opcionnan pa busca informacion di gobierno. E reparticion di e informacion tambe ta otro aunke e ta basa riba esun ‘bieu’. E version aki gobierno a lansa na 2006 y 8 aña despues aparentemente a didi di haci cambio. E motibo ainda no ta conoci na Bon Dia Aruba.

Loket digital

Locual si por ripara ta cu e website ta mas claro. Bishi-



tantenan por scoge pa un version na Ingles. Interesante tambe ta e Loket Digital cu ta duna un impresion cu ciudadano por haci transaccion cu gobierno por medio di e website.

Pero ora ta click riba esaki por mira cu ainda ta duna informacion unda personanan por bay pa busca cierto documentonan.

Ta spera si cu gobierno lo ofrece mas servicio digital. Manera esaki tambe por mira den hopi otro paisnan caba. E gabinete a priminti cu lo enfoca mas riba ‘e-government’

pa traha mas eficiente, spaar placa y drecha su servicio pe ciudadano. E ultimo ta hopi importante mirando e problemanan cu ainda tin na Censo y por ehempel Departamento di Rijbewijs. Un investigacion haci e aña bou empresarionan a muestra cu nan ta prefera cu gobierno ta inverti den e-government y un miho servicio. En bes di hinca hopi esfuerzo den plan ‘irealistico’ manera crea un hub di Aruba pa Europa y e region.

Tin departamentonan na Aruba cu den e ultimo añan-

an a cuminsa ofrece mas y mas servicio online. Entre otro Departamento di Impuesto y Dimas (permiso estadia). Pero haci aangifte online of haya mas servicio di Censo entre otro (p.e.papel di 5 florin) digital, te ainda no ta un opcion cu gobierno ta duna su ciudadanonan.

Na 2006 ora gobierno a lansa su website e plan tambe tabata pa bin cu un loket digital hopi lihe. Pero e plan aki a keda pega. Awor por mira cu tin un esfuerzo nobo pa percura cu lo bin cu e loket ainda. □



SETAR

ta desea tur su clientenan y henter e pueblo di Aruba
Un Bon Pasco y Felis Aña 2015!

A photograph of a bottle of Grand Old Parr Blended Scotch Whisky and two glasses of whisky on a beach. The bottle is tilted, and the glasses are filled with the golden liquid. The background shows a sandy beach and a blurred view of the ocean under a blue sky.

**BRINDEMOS
HOY ENTRE
AMIGOS**

Por la
vida

Old
Parr

ROMAR

TAPA DE SEGURIDAD. EXIGE CALIDAD!

CUANDO TOME, NO MANEJE! DISFRUTAR RESPONSABLEMENTE.
THE OLD PARR WORD & LOGOS ARE TRADEMARKS. ©MACDONALD GREENLESS 2014. WWW.DRINKIQ.COM

Servicio di Imsan y hospital fin di aña

ORANJESTAD - E centro medico Imsan na San Nicolas y Horacio Oduber Hospital na Eagle ta duna informacion cu ta relevante pa cu dianan di fiesta.

Ambos instancia ta habri pero no tur departamento ta habri. Centro Diabetico como Departamento di cuida di wowo na Imsan lo no ta habri den e dianan di fiesta. Spoedeisende Hulp y servicio di Radiologia si lo keda den funcion.

Directorado y personal di Departamentonan di Ambulance, di Dialyse, di Radiologia, di

Diabetes, di Cuido di Wowo y Spoedeisende Hulp ta pidi Aruba pa tuma medida di seguridad. Pashentnan cu diabetes controla sucu regularmente y laga nos hunto wak pa otro.

Ambulance

“Ambulance di Imsan lo ta prepara un biaha mas pa duna cuida medico profesional cu alquier incidente of accidente. Riba dianan di fiesta lo opera cu a lo menos 3 diferente auto y di tres diferente post cu ta Imsan San Nicolas, Sasaki y post central na Wayaca” Liberato Hoek di e departamento

aki ta informa.

Ambulance ta haci un yamada na e publico pa na momento di accidente duna colaboracion y habri caminda pa ambulance por pasa. Na momento di yama 911 sea specifico, tin bo detayenan di kico ta pasando pa asina e personal por cuminsa pa duna bo asistencia via telefon y ta prepara na yegada.

Hospital

Tanto na Spoedeisende Hulp (Eerste Hulp) of na e Huisartsenpost – oficina di Dokter di Cas na Warda, Hospital ta provee e cuida medico basico



como tambe specialisa 24 ora pa dia. Tur dia y specialmente den dianan di fiesta ora cu tur oficina di dokter ta cera, asina e hospital ta informa.

Hospital si ta curasha tur pashent cu sintomanan di condicionnan no urgente pa bishita e Huisartsenpost, situa banda di Botica Eagle. Y ora cu esaki

ta cera y pa condicionnan urgente pa bay directamente na Spoedeisende Hulp na Hospital. Por ehempel pa un dolor di cabes of dolor di horea e Huisartsenpost mester ta e prome opcion pa e pashent, ora cu e oficina aki ta habri. Asina e vocero Charline Alexander-Huntington ta splica.

**The light is
our guide
to a bright
future.**

Let us serve our communities with
knowledge, attention and care.

Happy Holidays

“Tur aña tin un patronchi cu ta presenta den e tipo di casonan cu Spoedeisende Hulp ta atende durante e dianan di fiesta. Maltrato, consumo excesivo di alcohol, accidente causa di ta bou di influencia di alcohol, muchanan cu no ta come debidamente of ta come cuminda cu a keda para y a dañá, entre otro ta e casonan cu mas sa presenta. Na e casonan ta wordo aña di kemadura causa pa klapchi durante e dianan cu mag di tira klapchi, particularmente dia 31 di december y dia 1 di januari.”

Cambio entrada

Na final hospital ta pidi pa comunidad tene den mente cu e entrada di Spoedeisende Hulp (Poli) a cambia en conexion cu e renobacion y construcion andando. E entrada pa e departamento aki ta awo na e parti dilanti di hospital (mesun entrada cu e departamento di revalidacion). Esaki ta keda na e parti na man drechi di e edificio principal.

Fiesta conscientemente

Hospital ta corda comunidad cu ta hopi importante pa “mira bon kico bo ta come” y specialmente no come cuminda cu a para largo. Director di Imsan, Joel Rajnherc hunto cu su team tambe ta duna palabranan di conscientisacion. “Ya caba den ultimo simannan por ripara mas accidente di trafico cual ta tipifica e dianan druk di fin di aña. Sea prudente y laga nos ta consciente y yuda otro yega e final di 2014 cu seguridad di por gosa e apertura di un aña nobo.”

Imsan tambe ta haci un yamada na Aruba den su totalidad pa come y bebe cu moderacion, specialmente pa esunnan cu ta sufri di presion halto y ta diabetico. “Den e dianan festivo careteranan ta hopi druk, p’esey sea creativo y planifica bo dia. Sali trempa pa bo no tin nodo di core duro. Carpool pa evita demasiado trafico y si bo tin mucha den auto, haci uzo di bo baby carseat y pa tur cu ta tras di stuur seya vigilante y no abusa di alcohol.”

Curaçao | Bonaire | Aruba | St. Maarten



BANCO DI CARIBE

GIVE THE JOY OF HOPE
GIVE THE JOY OF LIFE
LET THE SPIRIT OF LOVE GENTLY FILL OUR HEARTS.

Enjoy the Holiday Season

TEL. 587-0002




STICHTING BLOEDBANK ARUBA
CADA GOTA TA CONTA

StichtingBloedbankAruba
www.bloedbankaruba.aw

Mucho laat pa salba Cultura?

ORANJESTAD – Ta parce cu e aña aki hopi concentracion a wordo poni riba cultura. Tanto Aruba Tourism Authority como Minister di Cultura a trece dilanti e strategia di haci San Nicolas un capital turistico. Pero no por nenga cu pa hopi tempo cultura di Aruba a wordo tira un banda. Ta mucho laat pa salba cultura? Pueblo ta opina.

Den luna di juni, gobierno a presenta e “cumbre nacional di cultura” e evento aki a tuma luga na Renaissance convention center. E evento tabata tin como meta pa trece diferente generacion, disciplina, sector priva y publico y tur hende cu tin un pasion pa cultura hunto. Pa asina por crea e futuro di cultura, den un forma creativo, innovativo y cu ta inspira. Departamento di Cultura a reuni cu grupo folklorico local mas trempan den aña tambe. E meta di e reunionnan aki tabata pa haya mas informacion riba posibilidad pa yega na un acuerdo cu hotelnan pa presentacion pa asina pusha agrupacionnan folklorico. Paso den cuadro di e plan di maneho di cultura unda cu mester expone cultura y folklore di Aruba mas den nos comunidad, a papia tocante con activo cada agrupacion ta of motibo cu nan no ta activo. Pero ora e monumento di Rio Grande a wordo basha abou pa pone un Burger King pueblo a rebeldia y sali na defensa di cultura. Na final placa a gana e caso y awo no tin manera pa lanta Rio Grande den su estado original mas.

“Cultura ta e esencia di hende. E ta e manera con nan ta papia y con nan ta gusta come nan pan. Diferencianan cultural a te hasta cuminsa guernan na mundo. Pero sin cultura nos lo tin



un humanidad? Ami no sa. E mundo lo ta laf, sin luz, hende nan wowo no lo tin briya ora nan papia di luganan cu nan a bishita y hende cu nan a conoce. No lo tin chasco riba con Canadesnan ta laga nan porta nan sin lock y Americanonan ta odia Inglesnan. Pero tambe no lo tin racismo. E ta un topico fuerte. Cultura na Aruba no ta morto. Ainda nos tin carnaval, gaita, cuminda crioyo y papiamento banda di Hulandes ta nos idioma oficial. Tin cantica na papiamento, buki, y nos tin celebracion di himno y bandera.” - Amberly Lejuez

“Cultura na Aruba antes tawata di hopi mas importancia cu awo, aunke na mayoria otro parti di mundo ta asina tambe, Aruba ainda tin su cultura. Tin hopi Arubiano ta hash hopi esfuerso pa keda mantene e cultura na Aruba pero cu tempo e ta bira mas dificil, den mi opinion ta mayornan tin cu siña nan yunan tur e tradicionnan di su pais. Awo ta logico cu tur aña cosnan ta cambia y cu nos isla ta multicultural pero ta importante pa bo sa di unda nos a bin con hende nan tabata biba antes na Aruba. Religion, cuminda, dia nan di fiesta, lenguahe, tur ta cay bou di cultura y ta topiconan cu Arubiano mester por splica di nan. Especialmente pa mucha nan cu ta pensa di

bin studia na Hulanda, nos ta wordo haci tur e pregunta nan mas straño cu por tin over di nos isla y ta bon si bo lo por defende nomber di bo isla.” - Lisza Marie Arends

“Cultura di un luga ta basi-



camente nan identidad. E ta e caminda unda un hende por reconoce su mes y comprende un manera di biba. E ta e manera con un hende den diferente paisnan ta cuminsa biba y despues ta desaroya es-

aki y haci e di nan mes. Sin e fundacion di un cultura, considera bo mes perdi y morto. E cos mas bunita ta cu te hasta paisnan cu tin culturanan similar na final no ta mesun cos” - Leonardo Phillips. □



**Ta desea Pueblo di Aruba un
Bon Pasco y Prosperidad
Aña nobo.
Cu Paz, Salud y Felicidad
Briya pa henter Aruba.
Danki pa boso
confianza durante 2014**

*Merry
Christmas*

ANNOUNCEMENT

Happy Holidays!

ON DECEMBER 24TH WE WILL CLOSE AT 5 PM

ON DECEMBER 25TH WE WILL BE CLOSED

ON DECEMBER 26TH WE WILL BE AT YOUR SERVICE AGAIN FROM 7 AM

TASTE IS KING



Parada final pa e Principe



ORANJESTAD – Ayera tardi tabata e ultimo parada di Hilward Croes. Manera Bon Dia Aruba a skirbi famia y amigonan kier duna un homenahe na e artista: “Dje forma aki nos ta duna Hilward e ultimo oportunidad di recore un parti di e ruta Carnavalesco riba tononan di su Dushi musica.” E parada a caba na Plaza Betico Croes unda tabatin diferente persona y banda a haci presentacionnan artistico. Su yiunan Hilyann, Natusha y Angelo tambe a trece un cantica y su primo minister Paul Croes y otro famia conoci (den ramo musical) a tene discurso. □

Caribbean Speed Printers N.V.



Weststraat #22, Oranjestad, Aruba
Tel.: 5827800 - Fax: 5827044/93
Bankers: Aruba Bank 033266.8
Chamber of Commerce: 9738



TA ANUNCIA

Relaciona cu celebracion di Pasco di Nacimiento

Ta participa cu lo **NO** tin edicion regular di **Bon Dia Aruba** y **Aruba Today** diahuebs 25 y Diabierna 26 di December, 2014. Oficina ta sera dia 24 December.

Pa e motibo aki ta haci un suplica na tur esunnan cu ta desea di publica sea aviso, of articulo den Bon Dia Aruba pa Diasabra 27 di December, pa por fabor entrega esaki na oficina no mas tarda cu dia 23 di December prome cu 5:00 atardi.

Gerencia



Core tras habitantenan cu cuchiu

ORANJESTAD – Un patruya di San Nicolas a wordo manda cu urgencia na un cas

CLASIFICADO

SANADOR SPIRITUAL

Internacional y Clarividente
From Africa Mr. Mane
Specialista den tur problema efectivo. Trece bek sernan keri, exito den negoshi, kita mala suerte y magia preto. Ta resolve problemanan financiero, yuda pasa rijbewijs, ta yuda cu dificultad sexual y mucho mas. Resultadonan rapido, garantiza. Pa mas info. yama 565-8369

211033

Antique ShopsOpen
Rococo Plaza rd 4A
Tanki Leendert
Opening hours month DEC:
Monday – Friday 9am – 1pm
Wholesaler BubblePlastic
Call for info : Ph. 741-5640
CHRISTMAS SALE 15%
Always Open On
appointment call Nancy
Cellph 741-5640

na Pos Chikito. Un persona bou influencia di un of otro substancia tabata causa hopi problema na e cas. Aparentemente el a cuminsa core tras di e habitantenan cu cuchiu den man. Na yegada no a keda e agentenan policial nada otro di detene e homber. Nan a hiba e homber warda di polis na San Nicolas pa asina e haya un cuarto gratis pa sosega su curpa. □



**PASA LAGA BO AVISO DI LOKE BO KIER BENDE,
HUUR, ETC NA OFICINA DI BON DIA ARUBA
WESTSTRAAT #22 OF MANDA BO AVISO VIA
EMAIL NA: michael.arends@cspnv.com**



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

TA BENDE

GANGA - GANGA - GANGA
Ta bende gordura ora bo
cumpra 3 saco di 50 lbs na
Afl. 9 bo ta haya 4 saco y ora
bo compra 9 bo ta haya 12
saco di gorduro.
Pa mas informacion
Tel: 564-4456

TA HUUR

Apartment na Sabana Basora
semi muebla pa 1 of 2
persona max no kids or pets.
Coriente apart plus
1 luna borg.
Pa mas informacion
Tel: 594-9069 - 569-0125

SERVICIO PUBLICO

Ta duna servicio pa baña y
cuida hende grandi na as y
tambe laba herida.
Pa mas informacion
Tel: 748-5818

SERVICIO PUBLICO

Pa huiswerk begeleiding y
bijles den area di Pos chiquito
entre 4 - 6or pm
Tel: 593-7784

TA BENDE

Un cashi paña di 3 porta pa
Afl. 300,- y un stoel recliner
pa Afl. 600,-
Tel: 568-3185

SERVICIO PUBLICO

Ta duna servicio pa baña y
cuida hende grandi nas cas y
tambe laba herida.
Tel: 748-3306

TA BENDE

Instruments musical
pa forma banda musical
Prijsnan ta discutibel.
Tel: 594-5025

TA BENDE

Un frigidaire marca Magic-
Chef 21cu.ft. pa mas
informacion
Tel: 583-7357 - 5604573

TA BENDE

4 cashi di paña (bon prijs)
1 cacho fila brasileira (6 luna).
Pa mas informacion
Tel: 561-7112

TA BENDE

I-phone 4S 16GB open phone
black nobo pa Afl. 500,- cu
case. Pa mas informacion
Tel: 745-5550

TA BENDE

Ganga un Eton Vipper 70cc
aña 2000, bon condicion pa
Afl. 2500,- discutibel.
Pa mas informacion
Tel: 732-0697

SERVICIO PUBLICA

Señora cu firma liber ta
ofrece pa haci oficina
of cas limpi.
Pa mas informacion
Tel: 568-2806

TA BENDE

Suzuki Baleno 2000, body
den bon condicion, jega start
y bay cune, tire nobo. As is
where is. Afl. 2.300,-
Pa mas informacion
Tel: 563-7049

TA BENDE

Un Suzuki Swift VVT 2009,
std, cu aircó den bon
condicion. Pa mas
informacion
Tel: 594-1015

TA BENDE

Suzuki Esteem 2004,
Afl. 1.500 (as is where is).
Pa mas informacion
Tel: 641-4612

TA BENDE

Set di sala Afl. 450,- set di
cama queen size di palo puro
Afl. 550,- Pa mas informacion
Tel: 586-7163 / 563-4687

TA DUNA LES

Les di hulandes y papiamento
pa mucha di kleuter, Basic
school. Yama despues di 2'or.
Pa mas informacion
Tel: 592-5090 / 583-7381

SERVICIO PUBLICO

Nos ta fura tur tipo di
muebles y nos lo laga
nan manera nobo back.
Tel: 5621199 / 5921252.

SERVICIO PUBLICO

Ta duna credit di 10 luna.
Ta fura y spuit tur tipo di
muebles. Palm Beach #5,
dilatanti Subway.
Tel: 593-2655 / 742-5853

TA BENDE

Un UV light clarifiers
filter NOBO!
Ta mata algi y bacteria.
Bon pa purifika awa di kas
y/of Vis pond.
Prijs Avg. 325 o.b.o.
Tel: 7321104

TA BENDE

Matanan di fruta, sorsaka,
mango, papaya, tambe
motorcycle (scooter) 2007
bon condicion Corchon queen
size. **Tel: 569-0125**

LES DI LANDAMENTO

Priva of den grupo, mucha di
3 aña bai ariba. Nos ta
prepara mucha pa tur
diploma. Profesional
den e ramo. **Tel: 594-9069**

PROBECHA

Cargamento nobo a yega cu
prijs special na Leonisa na
Piedra Plat 50-C Dialuna pa
diabierna 9.00'or pa 18.00'or
Diasabra 10.00'or pa 14.00'or
Tel: 587-0725
Cel: 592-2308

TA BENDE

Pa mucha, hopi sorto di coi
hunga, buki, y muchu mas.
Nobo y uza, bon pa crèche. Y
tin pa give away.
Tel: 7350737

TA BENDE

Patriot Mag Drive NOBO!
MD1200-1200GPH
Koi Pond & Waterfall
Pump. Avg. 295 o.b.o.
Pa mas informacion
Tel: 732-1104

SERVICIO PUBLICO

Nos ta traha cura, drecha
muraya, verf cas y dak,
pleister den temporada di
Nov. y Dec. Pa mas
informacion
Tel: 564-3588

SERVICIO PUBLICO

Pa hasi cas limpi y pa
strika pa mitar dia.
Pa mas informacion
Tel: 743-5966

TA BENDE

BBQ Grill"made In
Aruba"duradero, Tipo "bari"
Afl.275,-/cilindro cu tapa
pa Afl.250,- **Tel: 593-8182**

TA BENDE

Matanan di fruta, sorsaka,
mango, papaya, tambe
motorcycle (scooter) 2007
bon condicion Corchon
queen size.
Tel: 569-0125

SERVICIO PUBLICO

Pa tur servicio di aircó, •
Instala • service • reparacion
• Trouble shooting • Duct
work y hopi mas. Bubali #20
Pa mas informacion
Tel: 587-1472

TA BENDE

Riba GANGA un cama di
baby den bon estado marca
Legacy. Pa mas informacion
Tel: 561-4519

TA BENDE

Matanan di fruta, sorsaka,
mango, papaya, tambe
motorcycle (scooter) 2007
bon condicion Corchon
queen size.
Tel: 569-0125

LES DI LANDAMENTO

Priva of den grupo, mucha di
3 aña bai ariba. Nos ta
prepara mucha pa tur
diploma. Profesional
den e ramo. Pa mas info.
Tel: 594-9069

TA BENDE

Caribbean Spiny Lobsters na
prijs di wholesale.
Live lobsters, Whole
Lobsters, Lobster Tails
Jumbo Shrimps head on
Weekly deliveries
Tel: 562-5859

TA HUUR

Bar/Restaurant bon situa na
San Nicolas equipa y cla pa
opera. **Tel: 568-5333**

SERVICIO PUBLICO

Señora Peruana ta ofrece pa
hasi cas limpi of pa strika
pañá. Pa mas informacion
Tel: 567-0479

Advertorial

Black & White Food Show un éxito total

ORANJESTAD - Ling & Sons IGA Supercenter a sorprende un y tur cu a bishita e Black and White Christmas Food Show Diabierna 19 di December. Durante e anochi aki Ling & Sons a duna un variedad grandi di tasting di cuminda pa periodo di fiesta, asina treciendo un experiencia culinario y unico na Aruba.

Ademas di diferente snacks y platonan Ling & Sons tambe ta tin presentacion y tasting



di diferente biñanan y liquor special pa periodo di fiesta aki.

Como banda musical e supermercado ta tin presente

Gaita Talentoso cu sigur a sa di pone un y tur gosa!

Clientenan cu a bishita e evento e anochi aki por a intercambia nan coupon di

miembro pa dobel e valor na caha cual sigur a hasi hopi di Ling & Sons su clientenan VIP super contento durante e Black & White Food show aki.

Tambe a estrena oliebollen cu teremendo special di 10 oliebollen pa solamente 10 awg cual ta valido te cu 31 di December na Ling & Sons.

Un evento, yen di sorpresa y ambiente cu ta demostra un biaha mas dicon Ling & Sons ta e supermercado preferi na Aruba.

Pa keda up to date cu tur loke Ling & Sons tin pa e periodo di fiesta aki bishita facebook page Ling and Sons IGA Supercenter!

Dios ta amor.... amor ta Dios
Maske mi no ta na e mundo aki, tur dia lo mi ta banda di
boso curason, mi por stens di loke Señor ta hasi.
Cu Honda pena pero conforme cu Dios su boluntad, nos ta
anuncia cu a bai sosega den brasa di Señor:
Mi mama, nos wela, ruman y tanta

Iris Francisca Croes

Miho conoci como
Malili, Lili
17 september 1940 –
19 december 2014



Na number di su yiu: Maritza Giel
Nieta y nietonan: Roxanne van Dinter
Mourit van Dinter
Vincent Robin van Dinter
Companero † Ignacio Nacho Wernet
Manera yiu: Mirla Bergen y Famia
Robert van Dinter
Meldrick Solognier

Rumannan:
† Silvio (Chibi) Croes y
†Teresita Acosta y Fam.
Claudia Croes y Fam.
†OtilioCroes y Maritje
Croes-Geerman y Fam.
Marcia Croes y Fam.
Erla y Juan Tromp-Croes
Walter Croes y Fam.
Julio Croes y Angela y fam.
Tanta: Iginia Bareno
Omo: Pedro Ismael Bareno
Tur su sobrina y sobrinonan
cu e a stima masha hopi mes.
Prima y primonan
Iha: Charlotte
Amiga cuidadora: Karina
Demas famianan, amistad-

nan, bisinjanan y demas
conocir nan.
Ex coleganan di Post Kan-
toor.
Ta wordo invita pa acto di
entierro cu lo tuma lugar-
diamars 23 di December
2014 di 2 or pa 4 or di atar-
dina Aurora Funeral Home.
Despues lo Sali pa Santana
SabanaBasora.
Adres pa condolencia: Caya-
Betico Croes 227 (pabao di
Sultan) dialuna 22 di De-
cember di 7 or pa 9 or.
Despues di entierro nos no
por ricibi bishita di condo-
lencia na cas.

Feliz ta e hende cu ta
firme no obstante e prue-
banan cu e ta pasa aden.
Ora e pasa e pruebanan
cu exito, lo e ricibi e bida
como premio, un corona
cu Dios a primiti esnan cu
ta stim'e. Cu dolor na nos
curazon pero conforme cu
Dios su boluntad, nos ta
participa cu a bay sosega
den Reino di Senor.
A fayece inesperadamente:



Sra. Vda. Theresa Grijt- Bardouille

*16 oktober1947 -
†20 december2014

Na number di su:
Esposo:
†Tico Grijt
Rumannan:
Ena Bardouille y yiu
Mona Bardouille y yuinan
Bernard Bardouille y Ceci-
lia y yuinan
Victor Bardouille y Jacky y
yuinan

Lydia Bardouille y Edsel y
yuinan
Imelda Bardouille y yiu
Subrino(a)nan: Cedric,
Andy, Anthony, Jo-Anne,
Jessica, Beverly, Cindy,
Geraldine,Allyshanee, Bran-
del, Jennifer y Evelynne
Su Ihanan: Jo-Anne Bardou-
ille
Geraldine Bardouille
Jayden Meulens

Amigonan: Hubert Wi-
ersma, Ramona, Marvisna
Bonaire, Benny na Boneiro,
Giovanni Meulens, Conrad
Williams.

Primo (a)nan: Franklin Bar-
douille y famia
Errol Bardouille y famia

Lucy Sharp
Demas famia: Bardou-
ille, Grijt, Haze, Williams,
Evertsz, Cardoze, Luidens,
Wever, Tweekboom, Sharp,
Meulens, Croes, Tromp y
demas famia na Hulanda,
Merca y Corsou.

Ta invita tur amigonan (a)
nan, bisina y conocirnan pa
asisti na e acto di entierro cual
lo tuma luga 24 di december
2014 di 2'or pa 4'or di atardi
na Aurora Funeral Home,
despues lo sali pa Santana
central na SabanaBasora.

Adres pa condolencia: Auro-
ra Funeral Home, Cumana
76, daimars 23 di december
di 7'or pa 9'or di anochi.

Señor,
Lus di dia ta paga, scuridad di nochi ta drenta
Ta ora pa tur criatura cambia sofocamento pa sosiego
Tuma mi, Señor, den Bo brasa,
cuida mi e anochi aki foi tur peligro i maldad
Señor, mi ta entrega mi den Bo man,
cu lo pone mi drumi cu Bo bendicion.

Amen
-TASAÏR-

Despues di un bida yen di amor y entrega, a bay sosega
den brasa di Señor mi esposa, nos mama y wela stima:

Sra. Maria Mathilda- Kock

Miho conoci como
"juffrouw Maria"



Den number di:
Su esposo: Remigio Mathilda
Su yuinan: Tamahine y Pedro Goeloe-Mathilda
Samantha y Michael Croes-Mathilda
Igor Mathilda y Elizabeth de Moura
Marion López
Inger y Francis Leo-López
Su nietonan: Gabriel Goeloe
Romario Goeloe
Zamira Mathilda
Shamika Mathilda
Su rumannan: Candida Kock y famia
Urbano y Lelia Figaroa y famia
Swa: Victor y Julia Mathilda y famia
Frank Lauffer y famia
Jacob Mattemaker y famia
Cuñanan: Ana Kock y famia
Marina y Henk de Beijer
Dionisia Mathilda y famia
Nora Mathilda
Maria y Edwin Martinus y famia
Elize Mathilda-Bentlage y famia

Esnan cu a cuid'e na cas: Vera Cano y Emerita Mendieta
Demas sobrinu y sobre-sobrinonan, primo y primanan,
ihanan, comer y compernan, amiga y amigonan, ex-colega-
nan, conocirnan, bisinanan y demas famia: Kock, Figaroa,
De Cuba, De Freitas, Palfit, Yrausquin, Mathilda, Goeloe,
Croes, Leo, Henriquez, De Moura, Geerman, Janga, y Ras
Ta invita pa acto di entierro diamars 23 di december 2014.
Nos defunto stima lo ta reposa for di 9'or di mainta den
Misa Birgen di Fatima na Dakota. Respons ta cuminsa
11'or di mainta.
Despues lo sali pa Santana Catolico Pastoor De Vries na
Santa Cruz.



CONDOLENCIA



Cu honda pena pero conforme cu Dios su boluntad,
Staff y Personal di Alhambra Casino (Divisino N.V.)
ta participa fayecimento di:

Leandro Andres Henriquez
Mihor conoci como "Dedechi of Padu"

Tata di nos empleado / colega Leandro (Buchi)

Nos mas profundo palabranan di condolencia na
su esposa, yuinan, rumannan y demas famia.
Hopi forza den es momentonan dificil aki.

Cu "Dedechi" sosega na Paz

Alhambra
CASINO AND SHOPS

“Laga tur cos ta spera mi ta bunita,
laga tur locualcu mi encontra na camindata bunita,
laga tur locual cu mi laga atrás keda bunita y
laga esakinan termina den tur bunitesa”.
Cu hopi tristesa pero conforme cuboluntad di Dios,
nosta participa fayecimento di:

**Francisca D.
Eduwardo
de Cuba**

miho conoci como “Chichi
of Mama Pika”
★ 07-11-1944 † 20-12-2014



Na nomber di su estimado
Esposo: Johannes “Louchi” Eduwardo
Su yiunan: †Marcelino D. Eduwardo
Shirley Eduwardo
Gina Eduwardo & Jani Geerman
Nieto-Nietanan: John & Sharlin Dirksen Koolman
Jerrick v/d Linden
Jurgen Geerman
Rudshirley v/d Linden
Sherwan v/d Linden
Su Mayornan: †Fransisco & †Denisia De Cuba
Rumannan: †Filomena De Cuba
Jose de Cuba
Maria De Cuba & yiunan
†Maximo De Cuba
Juanita De Cuba & yiunan
Eusebio Chebito De Cuba
Reyna De Cuba
Johanna De Cuba
Swa & Cuñanan: Alex & Mena Eduwardo
Mena & Frido Croes-Eduwardo
Denis Eduwardo & famia y Jopi Figaroa
Nacho & Mena Eduwardo Figaroa & famia
Nando & Daniela Eduwardo - Christiaans
Su iha Mariana Eduwardo
Sobrino y sobrinanan, primo y primanan, bisñanan y cono-
cirnan, amiga di cas Jesim Kock
Demas famia: Eduwardo, de Cuba, Tromp, Gomez, Dirksen,
Croes, Geerman, v/d Linden, Da Silva, La Fontaine, Britten,
Farro, Ras, Webb, Paesch, Franken, Koolamn, Lares, Hamlet,
Bislop, Danies

Ta invita pa asistina e acto di entierro cual lo tuma lugar Di-
aranson, 24 di december 2014 pa 11’or di maintana Misa Sta.
Anna na Noord, despues saliendo pa Santana di Noord. E
restonan mortal di Francisca lo ta reposa for di 9’or di mainta
den Misa. Adres pa condolencia: Aurora Funeral Home, Cu-
mana 76, diamars 23 di December, di 7’or pa 9’or di anochi.

“Señor ta mi wardador, mi’n tin falta di nada. Den
cunucu di yerba berde e ta ponemi sosega. E ta
hibami na awa trankil,
Pa mi bolbe haña forsa.”
Salmo: 23

Cu inmenso dolor na nos curason, pero conforme
cu boluntad di Dios, nos ta anuncia fayecimento di:

Leonardo Dirksz

Mihor conoci como: “Nanai”
★01-07-1923 †22-12-2014



Acto di entierro lo wordo anuncia despues.

Cu profundo tristesa Hunta di Directiva, Staf y Personal di
Dr. Horacio E. Oduber Hospital a tuma nota di
fayecimento di señor:

**Reginaldo
Conradus**



Tata di Regina Conradus laborando na departamento di HR
y Roberto Conradus laborando na Niet Snijdend 3.

Hunta di Directiva, Staf y Personal di Hospital
ta desea Regina y Roberto y demas famia hopi forsa
den e momentonan dificil aki.


Cu Dios duna e defunto sosiego eterno.



**Dr. Horacio
E. Oduber HOSPITAAL**

**GRUPO DI BAILE FOLKLOR
SANTA CRUZ**

Ta anuncia fayecimento di



HILDWARD L. CROES

Integrante di Grupo di Betico, cual a acompaña nos
grupo di baile

na diferente ocasion cultural tanto na Aruba como na Boneiro.
Nos grupo ta desea su mayornan Maiky y Ada, su yiunan, su
rumannan y demas famia hopi forza den e momento dificil aki.

Cu Hildward sosega na paz.



Cu hopi tristesa den nos curason nos ta anuncia fayecimento
di nos colega y amiga stima

Ramon Antonio Blanco Rosa

25 September 1959 - 20 December, 2014

Den nomber di Uitvoeringsorgaan
AZV

Cu imenso dolor na nos curason, pero conforme cu boluntad di Dios nos ta anuncia fayecimento di:

**REGINALDO
ALFONSO
CONRADUS**

Mihor conoci como

Rere

*01-02-1939

†18-12-2014



Na number di su esposa: Barbara Conradus-Kelly
Su juinan: Roberto Conradus y Ludwina Tromp
Dennis Conradus
Regina y John Becker - Conradus
Annie Conradus
Renny y Lisa Conradus-de Cuba
Su nietonan: Sharlene y Augustin, Sharisele, Nadja,
Denrick, Cedrick, Mirjen, Denlixon, Dixmary, Jordan,
Joanne, Alexander, Marie, Nicole Ryan, Chantal, Rodney,
Lizienne, Jelitza
Su bisanieta: Shaustienne
Su rumanan: Bert y Sidsel Conraduz-Bjornveldt y famia na
Norway
Marita y Humphrey Tramm-Conradus y famia na Corsou

Frits Conradus y famia na Venezuela
Henny Conradus y Petra Swart y famia na
Hulanda/Corsou
Armida (Poppy) y Eduardo Lovera y famia na
Corsou
Candido y Sharine Conradus-Mauricio y
famia na Hulanda
Elvin Conradus y Esther Milliard y famia na
Hulanda
Dennis Conradus na Hulanda
Ivan y Naida Conradus-Sneper na Curacao
Rolando (Roly) Conradus y famia na Hu-
landa
Su omo y tanta:
Hector Obispo y famia na Corsou
Florans Pandt-Obispo y famia na Corsou
Swa y Cuñanan:
Maria Kelly
Filomena de Mey-Kelly

Simon y Miriam Kelly-Geerman
Sobrino y sobrinanan, primo y primanan,
ihanan, bisinjanan, amigonan, ex-coleganan
di WEB, amigonan di Kinesia Palm Beach
Demas famia: Conradus, Kelly, Tromp,
Becker, de Cuba, Pietersz, Maduro, Obispo,
Bjornveldt, Tramm, Swart, Lovera, Mauricio,
Milliard, Sneper, Pandt, Vidal, Beukeboom,
Geferts, Vicario, Martes, Ras, Flanegin, de
Mey, Geerman, Herera, Vrolijk, Figaroa,
Semeleer, Sprock, Jansen, Victoria, Vargas.

Ta invita pa acto di entierro cual lo tuma luga
diamars 23 december 2014 na Misa Santa Ana
na Noord di 9 pa 11or di mainta, despues lo
sali pa Santana catolico na Noord.

Nos ta pidi disculpa si den nos tristesa nos por
a lubida algun famia.



Los Laga Bai kier a participa fayecimento di:

Hildward Leoncil Croes

*Un forza creativo den musica di nos dushi
carnaval. Aruba henter lo haña su falta.*

*Nos palabra di sincero condolencia ta bai na
su mayornan, jiunan y demas famia y
amigonan. Nos ta desea famia Croes hopi forza
den e dianan aki.*



CENTRALE BANK VAN ARUBA

Gerencia y personal di Centrale Bank van Aruba ta
cumpli cu e tristo deber di anuncia fayecimento di

Sra. MARIA MATHILDA-KOCK

Mama di nos colega Tamahine Mathilda.

Nos ta extende nos mas sincero condolencia na
Tamahine y demas famia y ta desea nan hopi forza den e
dianan difícil aki.

Cu sra. Maria sosega na paz den brasanan di Señor.

HUBERT 'LIO' BOOI

Minister di Cultura **Otmar Oduber** ta
anuncia fayecimento di
Hubert 'Lio' Booi

Na bida un persona cu a
dedica su bida na nos cultura
den su diferente ramo...

Mi mas profundo condolencia na
famia amigonan y cu
Hubert 'Lio' Booi
sosega na paz...

Gobierno di Aruba
Ministerio di Turismo, Transporte,
Sector Primario y Cultura

Detencion di Taliban pa asesinatonan na scol na Pakistan

ISLAMABAD (AP) — Autoridadnan a haci varios detencion dia-domingo den e caso di e atake di Taliban riba un scol unda a mata 148 persona na ciudad di Peshawar, oficialnan a bisa.

“Varios sospechoso tabata facilitadonan den un of otro manera of e otro a wordo tuma den custodia,” Minister di asuntonan interior Chaudhry Nisar Ali Khan a bisa añadiendo cu e “interogacionnan tabata avansando di un manera positivo.” E no a revela e identidad of bisa cuanto nan tabata ta.

Shete homber arma Taliban bisti cu vest di material explosivo a sorpresa



mundo henter diamars ora cu nan a drenta un scol militar matando 148 hende, incluyendo 132 estudiante. Un 121 estudiante mas a wordo herida den e suceso na e scol localisa den e area unda pa gran parti famia di militarnan

ta biba.

Un grupo cu ta bisa cu nan ta bringa pa establece un sistema reinando basa riba su mesun marca Islam. El a mata miles riba mas di un decada.

Taliban ta bisa cu nan a ataca e scol como vengansa pa un ehercito den operacion contra nan na North Waziristan, lansa na juni. E ehercito ta bisa cu te cu awo nan a mata mas di 1200 militante den e operacion.

Gobierno a bombardia sconditenan di e militantenan den area di tribal cerca di frontera di Afghan. Tambe Gobierno a kita un prohibicion di ehecuto

terroristanan condena. Den fin di siman, el a ehecuto 6 homber sentencia riba carganan di terrorismo.

Dos di esunnan condena a wordo colga diabierna y cuatro otro, diadomingo, segun oficialnan di gobierno Pakistan cu tabata papia den anonimidad pa motibo cu nan no ta autorisa pa papia cu prensa.

Militantenan local a menasa cu nan lo tuma vengansa pa esunnan cu a wordo colga.

Khan, e minister a bisa Pakistan ta den guerra cu e militantenan. El a apela na e nacion pa yuda autoridadnan den henter pais pa yuda gara e rebeldenan. □

Cantante legendario Joe Cocker a fayece na edad di 70

LONDON — Cantante Joe Cocker, miho conoci pa su cover di the Beatles “With A Little Help From My Friends,” a fayece na edad di 70.

Segun Associated Press, agencia di Joe Cocker ta bisa cu e cantante a muri di cancer di pulmon, na Colorado unda e tabata biba pa e ultimo dos decadanan.

E cantante y autor tabata tin un carera di mas cu 40 aña cu canticanan incluyendo “You Are So Beautiful” y “Up Where We Belong.” Conoci pa su

bos grof, Cocker a cuminsa su carera como cantante den bar y clubnan na Sheffield den aña 1960 prome cu el a bira popular.

El a keda posiciona pa exito na momento cu su version di The Beatles “With A Little Help from My Friends” a tuma posicion number un.

Den duet cu Jennifer Warnes, “Up Where We Belong” – di e pelicula “An Officer And A Gentleman” – a tuma posicion number un y a continua pa ambos un premio Grammy y un premio Academy.

El a wordo honra OBE (Order of the



British Empire) na aña 2007.

Aña pasa el a kibra su propio record

na diferente area rond Europa cu un album number un na Alemania y na locual lo tabata su ultimo concierto na Hammersmith, London, na juni.

Segun e medio BBC, Barrie Marshall agente di e cantante, Cocker tabata sin duda e bos rockero/soul di mas grandi cu a Sali for di Inglatera y a permanece e mesun persona atraves di henter su bida.

“Hopi talentoso, un berdadero strea pero un persona amabel y humilde cu tabata gusta duna su presentacionnan. Ken cu a yega di mir’e “live” lo no lubid’e nunca.” □

Staff & Management of:

COLOMBIAN EMERALDS
INTERNATIONAL

&

JW JEWELER'S
warehouse

Wishes you:

The Gift of Green

**Merry Christmas
& Happy New Year!**

Evento di Pasco anual

Papa Fransisco cu critica skerpi riba burocracia Vaticano

VATICAN CITY (AP) — Papa Fransisco a emiti un critica dialuna tocante burocracia di Vaticano cu ta sirbie, denunciando con algun hende tin luhuria pa poder, cueste loque cueste, ta biba un bida hipocrita y ta sufri di “Alzheimer spiritual” cu a haci nan lubida nan bida di ta hombernan di goso den Dios.

Papa su saludo di Pasco na cardinalnan, obispo y sacerdote-nan, no tabata un intercambio gozoso di feliz dlanan di fiesta pero tabata uno subraya comportacion pecaminoso di cual Papa a bisa di ta spera por wordo redimi y sana den e aña binidero.

El a subraya con terrorismo di redo por mata e reputacion di colega y rumannan den sanger friu. Con trahamento di kliek por esclavisa nan miembronan y bira un cancer cu ta menasa e harmonia di e curpa y eventualmente mat’e. Tocante con esunnan cu ta biba un bida hipocrita y dobel ta lo tipico di mediocrecia y di esunnan cu ta hiba un

bashi spiritual, algo cu niun diploma academico por yena.

“E Curia ta yama pa semper mehora su mes y crece den comunión, santidad y conocimiento pa cumpli cu su mision,” Papa Fransisco a bisa. “Pero hasta e, como un curpa humano, por sufri enfermedad, disfuncion y malesa.

Francis kende ta e prome Papa Latino Mericano eligi cu nunca antes a traha den e Curia Italiano, no a teme pa adresa hacimento di redo, ambicion ta tin un profesion y secreto pa poder burocratico cu ta afligi e “Holy See” (Sede Santo). Pero den su afan pa trece reformation a sacudi comodidad, y ta muestra di ta mas determina pa trece luz riba locual ta afligi e institucion.

E cardinalnan no tabata muestra contento. E discurso a wordo ricibi cu aplauso friu y poco tabata tin un sonrisa riba nan cara segun Papa Fransisco a nombra un pa un, e 15 “dolornan di e Curia” riba



cual el a elabora completo cu anotacionnan y versiculonan biblico.

E evento di Pasco anual ta bin na un momento tenso pa e Curia, e administracion central di e “Holy See” ta goberna 1.2 biyon iglesia catolico. Papa Fransisco y su nueve conseheronan clave ta trahando plannan pa renoba henter e estructura burocratico, treciendo oficinanan hunto pa ta mas efectivo.

Financia di Vaticano tambe ta hayando un “overhaul” cu Papa Fransisco su oficial financiero, Cardinal George Pell, imponiendo un contabilidad nobo y medidanan di presupuesto riba congregacionnan tradicional indepen-

diente cu no ta custumbra di presenta nan cifranan.

Kisas e tabata Pell, kende Papa tabata tin den mente ora el a haci remarcanan tocante tentacion na luhuria pa poder hasta si esaki mester nifica defama of critica otronan, hasta den “corant of revistanan, pa muestra nan mes di ta esun mas capabel... den nomber di husticia y transparencia.”

Pell recientemente a skirbi un relato explosivo den “Catholic Herald” Britanico den cual el a bisa cu su ekipo a descubri situacionnan financiero di e “Holy See” cu tabata “Mas sano di loke ta muestra, pasobra algun miyones di euro a disparce for di algun cuenta en particular y no tabata aparece den e registro di contabilidad.”

Despues Vaticano a clarifica cu e placa no tabata scondi y cu nada ilegal tabata tumando luga, djis simplemente cu nan no tabata riba e registro Vaticano. Den fin di siman, Jesuit magazine America a raporta cu un memo interno den Vaticano a indica cu fondonan

teni den secretariado tabata conoci y a wordo uza pa cubri perdanan di proyectonan special y tabata bon mancha durante e añanan.

Papa Fransisco a cuminsa su discurso cu e “condicion di sinti inmortal, inmuno y hasta indispensable.”

Y di eynan el a continua riba: Ta orguyoso, tin un curason duro, baha superiornan pa ganashi personal, ta rigido y arrogante specialmente na esunnan cu ta cay bou di nan. Algun ta wordo mira como digno di wordo elogio: trahando demasiado duro y planifica demasiado adelanta. Pero hasta eseynan Papa Fransisco a critica pa no tuma tempo cu nan famia of di tin demasiado stress, y esunnan cu ta planifica tur cos no ta duna espacio pa e “frescura, fantasia y novedad di Spirito Santo.”

“Ki bon e ta pa nos tin un sentido di humor sano,” el a bisa.

Na fin di su discurso, Papa Fransisco a pidi obisponan pa ora cu e “heridanen di pica cu cada un di nos ta carga wordo sana” y cu iglesia y Curia henter wordo sana. □

PARTICIPACION

En conexion cu dlanan di fiesta, SETAR N.V. ta informa orario di Teleshop, SETAR Store y otro servicionan

Fecha	Tur departamento (cu excepcion di Telekiosk Airport y Contact Center)	Orario
diarazon 24 december 2014	Tur departamento (cu excepcion di Telekiosk Airport y Contact Center)	07:45 am - 11:00 am
diahuebs 25 december 2014	Tur departamento (cu excepcion di Telekiosk Airport y Contact Center)	Sera henter dia
diabierna 26 december 2014	Tur departamento (cu excepcion di Telekiosk Airport y Contact Center)	Sera henter dia
diasabra 27 december 2014	Tur Teleshop, SETAR Store y Telekiosk Airport	Habri orario regular

Durante e periodo menciona Servicio di Contact Center (114, 117, 118, 139, 5834000 y 5251700) ta keda habri normalmente. Nos disculpa pa cualkier inconveniencia.

SETAR N.V. ta desea henter comunidad di Aruba un Feliz Pasco

www.setar.aw Follow us on

SETAR

un Bon Pasco ta e deseo di nos famia di
Serve Blanco Service Station
pa bo famia.

Orario Dec 24 nos ta sera 10pm
Dec 25 sera henter dia
Dec 26, 27m - normal



San Nicolas Taekwondo cena di Pasco

Les a pagina B10/11



25 aña di servicio

Les a pagina B19

BON DIA *Aruba*

Diamars 23 di December 2014 www.bondia.com Email: noticia@bondia.com Tel: 582-7800 Fax: 582-7044 1,50 Florin



Bispo di Pasco

Les a pagina B3

BON DIA *Aruba*

*Bo ta desea di distribui informacion importante pa e pueblo.
Yama nos na 5827800 of e-mail: accounting@bondia.com y nos
ta percursa pa bo informacion ta yega su destino.
Nos servicio ta encera tur sorto di promocion riba flyer, booklet, etc.*



RCA Dama cu cena di Pasco



Diabierna anochi den un ambiente di Pasco na Tony Roma's e damanan di Tricolor a tene nan cena di Pasco cu un cuminda sabroso prepara pa e coki di Tony Roma's. Musica tabata den encargo di Melodia.

Presente tabata e sponsor principal di e ekipo di RCA Dama. E uniform nobo tin un diseño completamente diferente cu strepi nan horizontal.

Alabes kier a haci un invitacion pa bin wak e damanan aki den accion despues di e break di fin aña. Actualmente e team di RCA Dama ta na prome luga. Un danki ta bay na e sponsor Manrique Capriles Aruba, coachnan, directorado, fanaticonan, boluntarionan y Tony Roma's pa haci e evento aki posibel. □



Consul di Haiti sr. Jeffrey Emmanuel Vincent:

“Pasco ta un epoca cu nos mester comparti cu otro no necesariamente cos material”

ORANJESTAD – Den cuadro di celebracion di Pasco y Aña nobo 2015, Consul di Haiti na Aruba sr. Jeffrey Emmanuel Vincent a expresa su mensahe na e comunidad Haitiano residencia na Aruba pero pa henter comunidad di Aruba tambe. “Mi deseo ta pa henter nos comunidad, esun di nos rumanan Arubiano y Haitiano”, el a bisa.



E hoben, carismatico diplomatico di 42 aña a expresa su palabra di gradicimento pa e acogida cu pueblo di Aruba a duna su comunidad Haitiano, y pa su persona como diplomatico. “Mi ta feliz di por ta na Aruba pa e manera con e pueblo Arubiano ta trata nos hendenan Haitiano”, el a expresa.

Aruba un pueblo amabel
El a indica cu mayoria di nos comunidad ta hendenan amabel. “E Arubianonan ta duna nos hopi apoyo na nos consulado y otro sectornan di nos comunidad”, e hoben Consul Haitiano a declara durante un entrevista cu Bon Dia Aruba.

Den cuadro di e dianan di fiesta aki, Consul Vincent a bisa cu ta su mas ferviente deseo pa henter comunidad por celebra Pasco y Aña nobo hopi bon. “Cu nan por disfruta cu nan famia; ya cu e ta un epoca di aña cu nos

mester comparti cu otro.”

Reflexion y mensahe

E diplomatico a trece e siguiente reflexion dilanti. El a bisa cu ora un hende tin mas cu otro no mester lubida su bisiña, pa duna nan mas sosten. E apoyo aki no mester ta uno material. “Un abraso of un palabra, of un sonrisa lo por haci un diferencia grandi pa un hende den e dianan aki.”

Igualmente el a bisa cu cada aña nos mester siña di e foutnan cu nos a comete. Ademas nos mester traha mas duro pa coregi nos fayonan. Tambe nos mester ta mas servicial y realisa trabou comunitario.

Na final el a expresa palabra di hopi exito pa cada miembran di nos comunidad, pa cada un di nos por realisa nos propio proyectonan. “Cu aña 2015 lo bini cu hopi bendicion y salud na prome luga”, el a bisa. □



Cena di Bispo di Pasco



Den paisnan Latino Americano tin e tradicion cu dia 24 di december famia ta reuni pa tin nan Cena di Noche Buena, cu ta refleha riba Bispo di Pasco.

Na Aruba esaki no ta un tradicion, pero algun famia ta haci esaki. Mayoría ta uza e anochi di 24 pa finalisa decoracion di nan cas otro ta bay Misa. Durante e cena aki famianan a haci intercambio di regalo y e muchanan tin e oportunidad di drumi mas laat.

prome cu Hesus a nace. E custumber ta varia den paisnan, pero ta bastante comun di tin un reunion familiar. Aki famianan ta yega hunto pa come pero tambe pa haci intercambio di regalo. E fiesta aki ta wordo considera manera un fiesta di caracter cultural y familiar. E religion di Testigo di Jehova no ta celebra e Noche Buena, pasobra nan ta considera esaki di caracter pagano.

Celebracion den diferente pais

Na Mexico ta custumbra presenta obranan teatral cu ta representa e nacemento di Hesus, di cua tin biaha ta añadi tokenan comico y di politica actual of social. Tambe ta celebra tradicional



“posadas,” den cua ta muestra e historia di Maria y Jose, ta resa rosario y despues ta kibra e piñatanan. Durante e fiesta aki tin ponche, buñuelo y tamales pero tambe ta integra reyno di diferente carni y fruta. E fiesta ta bay te den oranan di anochi laat.

Na Paraguay ta un custumber di pone simannan prome cu Pasco e pesebre tipico Paraguayo, unda cu ta pone cada figura, fruta, flor di coco, etc. Durante e dia ta prepara cuminda friu pa comparti cu e famia y ta custumbra di tira klapchi wardando e momento di nacemento di Hesus.

Na Venezuela, Colombia, Ecuador, Bolivia y Peru e custumber ta prepara desde algun dia prome di e “nacemento.” Ta prepara e pesebre, pero tambe e kerstboom decora cu bala, luznan di colo, slinger, etc., unda cu ta pone e regalonan cu lo wordo intercambia.

Dia 24 anochi ta tene un cena familiar cu galiña di Nochi Buena, appelmoes, salada, paneton, chuculati cayente y biña. □



Pasco ta wordo celebra den tur parti di mundo, pero di un forma hopi diferente. Tradicion, creencia, colornan, cuminda...tur ta cambia segun e luga unda cada persona ta origina.

Na Merca Pasco ta un fiesta hopi celebra. E temporada di Pasco ta cuminsa na final di November, e dia posterior di e fiesta di Accion di Gracia, cu descuentonan grandi di "Black Friday," aunke e decoracion y musica di Pasco por wordo mira asina cu e cele-

bracion di Halloween termina. Hopi scol y negoshinan ta cera entre Pasco y Aña nobo, mientras cu trahadonan ta dedica e periodo aki p ta cu nan famia, cambia den tiendanan regalonan poco bon y haci compra durante descuento prome cu Pasco.

Tin otro eventonan cu ta considera parti di e temporada y cu ta inclui den e felicitacion mas general, manera fiestanan feliz, entre nan Hanukkah, Yule, Epifania, Kwanzaa. Interior y exterior di e casnan ta wordo decora durante simannan prome cu

Pasco den diferente parti di mundo

bispo di Pasco. E kerstboom ta e decoracion mas central, dorna cu balanan, slinger y luz, corona na e top cu un angel of strea cu ta simbolisa e strea di Belen. Tambe na Merca ta celebra cu Santa Claus ta entrega regalo na e muchanan.

Otro tradicion ta e servicio-nan religioso special di diadomingo prome cu Pasco, y e Misa di Gallo di Noche Buena. E atraccionnan turistico relaciona cu Pasco, manera e kerstboom di Rockefeller Center y e elaboradonan anima di e luganan grandi di New York ta bishita pa miles di persona di henter mundo. E musica di Pasco a omni presente: e concierto anual di Coro di Tabernaculo Mormon ta bon conoci, asina manera e concierto di Pasco di orkestra y coronan, manera Mesias di Haendel, of ballet.

Hapon ta anima pa e comercio, celebracion laico di Pasco ta bastante popular, aunke no ta un fiesta oficial. Na ocasionnan ta intercambia regalonan y ta celebra fiestanan e dianan despues di Pasco. Ta un tradicion pa consumi e bolo di Pasco Hapones, un panlefi cubri di



crema y decora cu strawberry, asina manera e Christstollen, importa of local. E ciudadnan ta wordo decora cu luznan di Pasco y kerstboomnan ta decora e zona urbanisa y centro comercial. E bispo di Pasco ta bira den un fiesta di pareha cu ta probecha pa pasa tempo hunto y intercambia regalo.

Na Austria cu mayoria ta catolico, e mercadonan di Pasco tin un tradicion largo. Por ehempel na Viena, e mercado ta pone den e gran plasa dilanti e Departamento di Gobernacion. situa na Innsbruck su romantico mercado den e caya y pa cana na pia bou daknan di oro." Na Salzburgo e mercado di Pasco ta ocupa e plasa di e catedral cu su bista pintoresco, mientras cu e bendedo di kerstboom ta situa den e Residenzplatz, den un lateral di basilica. Mayoria di e ciudadnan, chikito of grandi, tin su mercado di Pasco.

E funcionnan di teatro di Pasco ta un parti hopi importante di e celebracionnan. Cada ciudad ta pone su propio kerstboom grandi den e plasa principal, decora cu belanan, adorno y mangel, y cu frecuencia ta pone otro kerstboom dorna cu pida pan pa e parhanan. Den e casnan, e kerstboom ta decora cu decoracion colo di oro y plata, strea haci di hooi, cos dushi y caramel lora den papel di aluminio, fruta seco dorado, etc. E fiesta di San Nicolas ta marca e comienso di Pasco na Austria. Riba Bispo di Pasco (24 di december) ta cende e kerstboom pa prome biaha y e famianan ta reuni pa canta canticanan di Pasco manera "Nochi di Paz." E regalonan ta wordo poni bou di e kerstboom y ta wordo habri despues di e cena di Noche Buena. E tradicion Austriaco ta bisa cu e mesun Niño Hesus ta esun cu ta decora e kerstboom y ta trece e regalonan pa e muchanan. □



Ta desea Pueblo di Aruba un Bon Pasco y Prospero Aña 2015

Cu paz, salud y felicidad briya den tur hogar na Aruba.





Guia pa fanaticonan

Lingo ta e terminologia basico di baseball



Bon Dia Aruba a bin cu e nificacion di e palabran- an cu ta wordo uza den baseball. Esaki ta pa yuda e fanaticonan mas riba e comprendemento di e



Hughes a firma pa 5 aña cu Twins



MINNESOTA, Merca (AP) – E pitcher di man drechi Phil Hughes lo cobra 58 miyon di dollar den e proximo cinco aña despues di a prolonga pa otro tres temporada di e contract cu ta vence na fin di 2016.

E hungado di 28 aña tabata tin un marca di 16-10 cu un efectividad di 3.52 den su prome temporada cu Minnesota y tabata na cabes di e liga den e relacion di ponche y base por bola, ora el a registra 11.63 ponche pa cada paspoort. □

terminologia di baseball.

Table setter ta significa: batiado cu su trabou ta yega na base pa otro batiado pusha aden. Usualmente number dos;
Tape-measure blast ta significa: un home run extremadamente largo.

Tater ta significa: un home run; Texas Leaguer ta significa: un blooper hit cu ta cay entre un infielder y outfielder. □



JOIN OUR GREAT TEAM!

#1 Hotel in Aruba – US News & World Report
#1 Hotel in Aruba – Zoover Nederland
Best Hotels in Caribbean – TripAdvisor Traveller's Choice 2014

EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

REQUIREMENTS:

Aruban or valid work permit, Work in Drug Free environment, Flexible Work Hours, Interested in preserving the Environment.

Positions Available:

**RESTAURANT MANAGER
FRONT OFFICE MANAGER
PREVENTIVE MAINTENANCE COORDINATOR
COST CONTROLLER**

Please send resume by Email: jobs@bucuti.com or Fax: 582-5272 or Call: 583-1100 ext 136 for appointment. Before applying, please register at DPL.



Chauffeur ta perde control, ranca un palo di luz y pega den cura di cas



MAHUMA - Dialuna pa mas o menos 3'or di atardi ta sucede un accidente na Mahuma. Un Jeep Terrios blauw maneha pa un dama

tabata biniendo di pariba, di Jucuri y tabata bayendo direccion di e crusada di Mahuma.

Dado momento e dama a nota un buraco grandi riba caminda y a bay pa desvia pa esaki.

E dama a perde control, dal

contra un acera, kibra un palo di coriente benta e palo di coriente den un cura di cas y ta bay pega contra e cura di cas.

Na prome instante a kere cu e dama tabata herida y a pidi presencia di ambulance. Personal di ambulance a trata e dama na e sitio mes. □



Toyota Yaris no a duna preferencia na jeep

ORANJESTAD - Maske cu tin borchis grandi y skirbi riba caminda stop, asina mes tin hende kier tin e chens pa pasa un rato pa crusa e caminda pa bay direccion caya Punta Brabo.

Dialuna mainta tabata e caso cu falta di preferencia a hunga un rol, unda cu un dama



chauffeur di un Toyota Yaris a subi e crusada na momento cu un jeep ta biniendo di zuid direccion noord riba J.E Irausquin Blvd.

Ambulance tambe a wordo yama pa atende cu un persona cu tabata sinti dolor na curpa y Polisnan di trafico a sigui atende cu e caso aki. □

Merry Christmas

Ta desea Pueblo di Aruba en general un Feliz Temporada di Pasco y cu Dios drama su bendicion pa un y tur.

ROBERTSON
FIRE PROTECTION NV
L.G. Smith Blvd 150 (Certified Mega Mall) • Oranjestad
Tel. 588 1918 / Fax 583 4636
www.arubafireprotection.com



Ministro di Salubridad Publico ta anuncia cu entrante **29 december 2014** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Oranjestraat z/n (exInterbank)**, di un peticion cu a ser haci pa obtene un koffiehuis- y un restaurantvergunning B pa e parcela situa na Plaza Daniel Leo, noordzijde di Havenstraat. E permisionan aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan obhecion contra dunamento di e permisionan menciona, dirigi na e Minister di Salubridad Publico, via intermediacion di Director di Legislacion y Asunto Huridico, Oranjestraat z/n.

Desconoci a drenta den cas y a purba viola habitante

MADIKI - Central ta manda Polis na un cas den Madiki Kavel pa un caso di violacion.

Na e sitio Polis a papia cu e victima, kende ta bisa cu e tabata drumi den su camber y a tende e porta di su camber habri. Den e porta el a mira un homber desconoci bisti cu un sweater preto cu capuchon riba su cabes. E victima a puntra e homber ken e ta y kico e ta haci den su cas. E sospechoso a bisa habitante di e cas pa keda keto. E homber a bin riba dje y a cuminsa choca e victima. Ora cu el a tene su pianan el a scop e sospechoso y a kita e homber di su curpa. E homber desconoci a bay riba dje y a dal e cu mokete den su wowo y a core bay. Su wowo a keda completamente hincha y tabatin un kap cu tabata sangra bastante. Polis a controla e cas y a mira cu algun shutter di e sala a wordo kita y probablemente ta eynan e homber a drenta. Ambulance a bin na e sitio y tambe personal di ayudo na victima. Ambulance a hiba e habitante poli pa tratamento. □

Homber ta duna keho di atraco

DAKOTA - Un homber naci na Aruba di 31 aña, a bay warda di Polis pa duna keho di atraco. E ta bisa cu un homber desconoci a ranca su tas cu forza. Esaki a tuma luga na Oude Molen. Despues e sospechoso a core bay. Polis a tuma e keho. Recherche di Noord a wordo poni na haltura. □

Destruccion di autonan di hendenan cu ta bay misa di Aurora na Santa Cruz

SANTA CRUZ - Central ta manda Polis di Santa Cruz na e parkeerplaats di Colegio San Hose pa kiebro di auto. Na e sitio Polis a papia cu un señora, kende ta bisa cu el a bay misa. Ora cu el a bay bek na e auto, el a mira cu desconocinan a kibra e glas patras banda robes. Nan no a bay cu nada. Tambe Central mester a manda Polis eynan pa destruccion di un auto. Na e sitio Polis a papia cu un señora, kende ta bisa cu el a laga su auto intacto. Ora cu el a bolbe, el a mira cu desconocinan a kibra e glas patras banda drechi y a bay cu un tas cu contenido. Polis a tuma e keho. □

Hortamento den cas

ORANJESTAD - Central a manda Patruya na Caya Frere Johannes pa un kiebro. Na e sitio, Polis a papia cu un homber, kende ta bisa cu e ta doño y habitante di e cas.

E ta bisa cu e tin dos apartamento patras di su cas y e ta huur nan cu e studiantenan di Xavier University. E studiantenan actualmente ta den exterior. Diahuebs atardi el a mira e porta di un di e apartamentonan ta habri. Tambe el a mira cu henter e apartamento tabata reboltia. E cashinan tabata habri y pañanan tabata riba vloer. E ta bisa cu e habitantenan di e apartamento ta bin bek ta dia 5 di januari y lo pasa duna keho na Recherche. E doño no sa si nan a bay cu algun articulo. □



Ladron cu a ranca tas haya cu dos arma di candela

ORANJESTAD - Central a manda un noticia general, cu ladron a ranca un tas na Oude Molen di un señora. E sospechosonan ta core den un auto Toyota blanco Mark 2, number A-60069.

Central a bisa Polis pa controla riba L.G Smith Blvd pa e auto. Polis a bay riba caminda principal pa controla. Coriendo riba e caminda bayendo di Playa pa San Nicolas, na yegada di e rotonde, Polis a bira pa bay pabou. Na Aruba Bank, Polis a mira e auto bayendo pariba. Polis a bira y a sigui nan tras mesora. Cu sirena y luz, Polis a logra para e auto na rotonde di Reina Beatrix. Ora cu e auto a para, e chauffeur a baha di e auto. Polis a grita e chauffeur pa drenta mesora den e auto.

E chauffeur no a tende y a keda pafo para. Polis a bisa e chauffeur pa pone su mannan riba dak di e auto. Polis a mira tambe cu tabatin un homber mas sinta den e auto. Polis a exige e homber pa e saca su mannan di e auto y baha di e auto.

E homber a haci locual Polis a bisa. Diripiente un otro homber a baha di e porta banda robes y a cana bay direccion panort. Polis a bisa e homber pa e keda para y pone su mannan riba su cabes y bira lomba pa e Polis. Un otro homber cu a baha di e patras di e auto a puntra Polis si nan a wordo para, pa e caso di un celular.

E homber tabatin e celular den su man y a bisa cu esey ta e celular cu a wordo horta y el a benta e celular bek den auto.

Polis a puntra e chauffeur si nan tin algo ilegal den e auto y a pidi permit pa rista den e auto. E chauffeur a duna permit pa busca den e auto. Na banda Polis a mira un obheto di metal cu ta parece un arma di candela, den un mea preto. E obheto tabata bou di e sienta dilanti. Polis a coy e obheto y a mira cu di berdad ta trata di un arma di candela.

Polis a detene. E sospechosonan Arnaud, Madadi, Bryson y Hazel a keda deteni pa posicion di arma. Durante mas investigacion un otro Polis a topa cu un otro arma di candela bou di e stoel dilanti. Recherche a wordo poni na haltura. □

Homber ta drenta cas y maltrata muhe

SANNICOLAS - Un señora a bin warda di San Nicolas y a bisa cu tres persona a drenta den su cas cu violencia y a maltrata. E ta bisa cu e homber J.W. a dal e cu un cabo di pistol riba su cabes y cu un piedra riba su lomba.

E mama di e rumannan W tambe a maltrata. Polis por a mira cu su cabes tabata hincha y su lomba. Su cabes ta bira y el a wordo hiba polis na San Nicolas. Polis a tuma contacto cu Piket Recherche cu a pone buskeda pa e homber y nan a topa cu su persona na Weg Rooi Hundo. El a keda deteni y hiba warda.

E señora a bay warda di polis y a duna keho na Recherche. □



Ronella Tjin Asjoe-Croes:

“Aruba semper a conta cu inversionistanan cu vision”

ORANJESTAD - “Awor cu nos a alcanza e logro historico aki di e yegada di e di 1 miyon turista huesped riba nos isla, ta importante pa analisa e historia turistico di nos isla. Pa nunca lubida esunnan cu a pone schouder bou di e vision aki, desde un principio”, asina Ronella Tjin Asjoe-Croes, director di Aruba Tourism Authority a señala.

Durante e añanan cu a transcuri den nos turismo, ta hopi di nos pioneronan a saca cara y aplica nan vision pa nos desaroyo turistico cu na caminda a bira e pilar number un di nos economia.

Den e buki ‘A Golden Aruba from A to Z, Celebrating 50 years and beyond in tourism’, publica na September 2011 ta haci mencion di varios inversionista local y internacional cu a aporta grandemente na nos turismo manera Chaiben Neme, Wichi de Palm, Ike Cohen, Walter Wiggins,

Harold Malmberg, Eduardo de Veer, Ramon Richardson, Raymond Maduro, Eduardo Ellis, Ewald Biemans, y asina por menciona hopi mas cu a y ta invertiendo den turismo di Aruba. Sin lubida tur e cadenan hotelero internacional y di otro tipo di negoshi cu a inverti inmensamente den e producto Aruba.

Pasado Siman pasa, pa celebracion di e yegada di turista #1.000.000 a duna hopi atencion na e “time line” di nos historia turistico. Eroneamente a señala cu Hyatt Regency a habri prome y despues Sonesta Hotel. Pero e realidad ta cu aunke tabatin retonan y incertidumbre economico e tempo ey, Eduardo de Veer y MetaCorp a opta pa inverti y asina dia 15 di december 1989 a habri e hotel.

Esey a bira e prome hotel grandi cu a habri su portanan despues cu Lago a cera. Mostrando e tempo ey inicio di un era nobo, cu awe a hiba

nos te na alcanza un record den cantidad di turistanan pa nos isla. Su tras, dia 23 di october 1990 (un aña despues), nos a celebra un otro apertura. E tempo ey tabata Hyatt Regency.

Separa di vision, MetaCorp despues di algun aña tabata e prome proyecto hotelero pa entrega Gobierno e “garantia” di inversion haci ora cu nan mes a refinancia e proyecto y sigui padilanti riba nan propio meritonan. Door di haci esaki nan a inspira confiansa den economia y den e industria turistico y sin duda a percura pa mas proyecto sigui tambe cu sin duda a contribui grandemente na e logro cu nos tur ta asina orguyoso di dje awe.

No solamente como un in-



versionista, pasobra como Presidente di AHATA tambe Eduardo de Veer a haci contribucionnan grandi den fomenta maneho nobo y un vision actualisa pa no solamente traha riba cantidad sino tambe na calidad di turistanan biniendo Aruba. Por remarca cu otro Presidentenan, cada un den nan forma, tambe a aporta na desaroyo di nos turismo.

Asina por mira cu ta un bon mescla di conocimiento, dedicacion y esfuerso tabatin tur e añanan entre Gobierno y sector priva pa hunto hiba nos isla riba e caminda corecto di desaroyo y crecimiento turistico.

Ta danki na e vision aki cu awe nos tur ta celebra e cantidad record di turistanan yegando Aruba pa relaha, entretere y disfruta. □



STATEN VAN ARUBA



Laga e mensahe di Pas cu e Niño a trece mas cu dos mil aña pasa sigui reina den nos curason, no solamente den temporada di Fin di Aña, pero pa cada dia nos biba den Pas cu nos ruman y sembra e simia di AMOR pa un comunidad felis.

Bon Pasco y Feliz

2015

ta deseo di

Gobierno di Aruba



Merry Christmas

Minister Dowers:

“Lo no stop te ora soluciona e retonan riba adictonan ambulante”

Minister di Husticia mr. Drs. Arthur Dowers a bishita algun di e areanan unda ta sintiendo e efec-tonan negativo cu concen-tracion di adictonan am-bulante ta causando. Riba diahuebs e mandatario a bay cu un team di Serli-mar pa haci e area limpi y personal di Fundacion Elizier, cual ta traha riba tereno di rehabilitacion y cuidio despues di adicto.

Minister Dowers ta gradici e dos instancianan aki, in-cludiendo ministerio di infra-estructura, pa na cooperacion pa yuda resolve e retonan aki, esta di elimina e sushi den ci-udad y atende cu e adictonan ambulante cu ta causando molester.

E mandatario a splica cu a palabra cu e fundacion, cu nan lo haci intentonan pa haya e adictonan acepta pa tuma tratamiento boluntari-amente y a atende tambe cu



mes por a mira tin hopi, nan ta aglomera hopi sushi, hopi cosnan cu no ta bon. Nos a piki tur esey y instruccion na polis ta pa cada tanto rato nan pasa tira bista si nan ta eynan y percura pa nan no por per-manece riba tereno publico of tereno priva,” Minister Dowers a bisa.

E adictonan ambulante ta molestia hende, ta horta den auto, den cas y negoshi y



e departamento di pone bou curatela pa percura y atende cu e adictonan cu no ta acepta e oferta pa tratamento bolun-tariamente.

Minister Dowers ta splica cu diahuebs a dicidi pa Polis core cu un hoben adicto in-mediatamente for di e area, pasobra cu e tabata den un condicion hopi malo, bou di condicionnan cu simple-mente “no por.” Polis a bay cu su persona y lo cuminsa un proceso pa determina con pa yuda e hoben aki.

Tambe a papia cu un otro adicto y ofrece tratamiento. Minister a splica cu cerca e persona aki ta bisto cu tin problema mental y si e no bay boluntariamente pa trata-mento, e mes lo emiti un ordo pa e wordo tuma den tratamiento.

“Banda di esey nos lo bay tambe mira con lo bay atende cu e otro gruponan cu ta riba caya. Pasobra manera boso



aunke ta un dolo di cabes pa resolve e problematica aki, no tin espacio pa entrega, Min-ister Arthur Dowers a sub-rraya. El a añadi cu lo sigui move den e area, lo sigui haci limpi, lo sigui papia cu e adic-tonan ambulante pa na acepta tratamiento y lo sigui haci tur esfuerso te ora cu nan mes compronde cu loke ta pas-ando y loke nan ta haciendo no ta aceptabel.

Minister Dowers a expresa cu ta pidiendo cooperacion di e famianan di e adictonan pa cu pone e adictonan bou di



curatela y pa yuda esunnan cu problema psiquiatrico pa wor-do interna den un facilidad, unda nan ta haya asistencia. Pa cu a adictonan cu no tin famia cu por of ta dispuesto pa atende cu nan, “nos mes lo bay atende cu nan,” e minis-ter a bisa.

E titular di husticia a indica bon cla cu e problematica di



un forma responsabel, Min-ister Dowers a subraya. El a pidi pa no laga of paga chollernan pa tira sushi afo sin supervision, pasobra nan ta tira e sushi riba tereno pu-blico y ta causa extra molester pa tur hende, tanto cliente, como empleadonan y e ne-goshinan mes. Ademias, el a agrega, pa tampoco laga e pal-etnan cu a bin cu carga unda cu ta benta, pasobra e adic-tonan ambulante ta coy esaki-nan y ta traha luganan pa nan drumi unda cu ta, treciendo mas sushedad y molester.

Materialnan di construc-cion uza cu ta procedente di negoshinan tambe ta un otro grupo di desperdicio cu ta wordo haya tur caminda benta y esaki tambe mester wordo elimina mas pronto posibel.

Minister Dowers a bisa cu ta conta cu e cooperacion di

parti di negoshinan pa alivia e situacionnan aki y si e situacion no conoce un me-horacion, e lo pone un team special riba caya pa check di cua negoshi e sushedad ta bin y lo traha proces-verbaalnan grandi pa e negoshi(nan) aki. Tambe lo combersa cu min-isterio publico pa wak ki op-cionnan tin pa por actua mas severo den e casonan cu ta keda ripiti y no wordo solu-ciona.

Minister Dowers ta apela na tur miembro di nos co-munidad pa cada uno di nos contribui na preveni e proble-manan cu tin actualmente, particularmente e comercian-tenan, pasobra ora acomoda e adictonan nan ta sinti co-modo, nan ta sigui aglomera y ta sigui forma un molester y peliger pa e trahadonan, otro doño di negoshi y ta menasa y core cu clientenan.

E minister a comenta cu nan ta spera di haya cooperacion mas estrecho cu comercio y cu comercio lo avisa nan tambe pa nan por actua y tuma pasonan pa cu preven-cion y no lo tin mester mas den futuro pa cada biaha mo-bilisa teamnan grandi pa haci limpieza mas.

Minister Dowers a conclui bisando cu e tin un compro-miso fuerte cu nos comu-nidad y no lo stop esfuerso-nan te ora e problemanan aki wordo resolvi. □



adicto ambulante/choller ta tuma esfuersonan serio di parti di diferente grupo di interes y instancia y esaki ta inclui e comerciantenan mes. E mandatario a haci un apela-cion fuerte na comercian-tenan den centro di Oranje-stad, den Caya Betico Croes y e area rond di dje cu un con-centracion di actividad com-ercial pa nan cooperacion.

No ta solamente e choller ta produci sushi, pero tambe e tiendanan y otro negoshinan y mester percura pa e desper-dicio wordo deshaci di dje na



San Nicolas Taekwondo Center a celebra su cena di Pasco

ORANJESTAD - Dialuna dia 8 di december 2014 San Nicolas Taekwondo Center y B.B. Taekwondo Center bou guia di Master Eric Barry hunto cu e atletanan di dicho scol y mayornan a tene na Cena di Pasco na Renaissance Convention Center na Seaport.

Como invitado special tabata presente Mas-

ter Alberto Klaber y ssposa y nan dos babynan Quentan y Eyden. E anochi tabata placentero. Tur hende presente a come y gosa di e anochi ey. E atletanan cual a resalta pa aña 2014 ta: Atleta mas destaca 2014 a sali Tristen Cijntje. Atleta "most outstanding" 2014 a sali Akeem Ignacia. Atleta mas disciplina 2014 a sali Michael Pou-

lina. "Rookie of the year" 2014 a sali Vincent Grovel. E anochi ey a wordo entrega 7 macutu di Pasco na 7 mayornan cual tabata presente e anochi ey. Cual tabata: Mr. Alvin Molina, Mr. Freddy Molina y Esposa, sr. Geerman, Sra. Debbie Dormoy, Sra. Charles, Sra. Lake y Sra. Juraima Anetia. □



Fraccion di MEP:

Gabinete Eman cu un maneho inefectivo riba tereno di turismo



Cu 80 miyon florin pa promocion, Aruba lo mester a yega na e di 1 miyon turista desde di 3 aña pasa caba! Siman cu a pasa nos pais supuestamente a cera conoci cu su di 1 miyon turista cu ta bishita Aruba.

Na ocasion di e celebracion aki nos por a mira entre otro un Prome Ministro Mike Eman cu no a perde pa gana y a haci uzo di e oportunidad pa elogia – banda di Juan Enrique Yrausquin (qepd) – su ruman Henny Eman pa loka

ta su vision riba tereno di turismo.

Siguramente esaki a causa un harimento enorme den pueblo y esaki a bira e “Joke of the Year”, ya cu tabata hustamente e welo di Mike Eman mes, esta Henny Eman (n.f.m.) den añanan 50 a chercha Juan Enrique Yrausquin, ya cu nan tabata contra Sr. Yrausquin su vision di cuminsa desaroya e industria di turismo y construi e prome hotel high rise na Aruba. Aki mester recorda

pueblo e frasenan denigrante cu Henny Eman a uza e tempo ey, esta “Pakico construi un hotel na Palm Beach? Ta pa e cabritonan di Noord bay biba eyden?”. Anto ta net e nieto Mike Eman aki a sali padilanti y sin ningun tiki di berguensa tabata papia di vision pa loka ta e industria di turismo.

Rendimento di inversion
Sinembargo den tur e show cu a wordo monta pa cu yegada di e di 1 miyon turista na Aruba, lo ta bon pa analisa

e rendimento (‘return on investment’) di e sumanan cu a wordo inverti pa promove nos pais den exterior y tambe e averahe di gastonan cu turistanan ta gasta pa dia na Aruba, tanto na 2009 como 2013/2014.

1. Na 2009 durante Gabinete Oduber nos pais a conoce un suma total pa promocion di nos turismo cu tabata 26 miyon florin y nos a logra haya e aña ey un cantidad di 810 mil turista. Pues un calculacion ta muestra cu e gastonan di promocion pa cada turista cu a bin Aruba na 2009 tabata 32 florin.

Na 2014 durante Gabinete Eman e fondo total pa promocion di nos turismo ta 80 miyon florin y supuestamente nos a haya un cantidad di 1 miyon turista. E gastonan di promocion pa cada turista cu a bin Aruba na 2014 tabata 80 florin. Pues na 2014, Gabinete Eman a gasta 48 florin mas pa trece cada turista Aruba y esaki compara cu 2009.

2. E averahe di placa cu turistanan ta gasta pa dia na Aruba na 2009 tabata 103 dollar y na 2013 esaki a baha te na 90 dollar. Pues den e gobernacion actual e turistanan ta gasta 13 dollar pa dia menos cu durante Gabinete Oduber.



Calidad di turismo

A base di e datonan ya menciona, siguramente mester ta un berguensa pa Gabinete Mike Eman haci un show di otro mundo e siman cu a pasa, siendo cu e gobierno aki lo mester a yega na e di 1 miyon turista for di 3 aña pasa caba, mirando e hecho cu nan tin un fondo apart di 80 miyon florin pa exclusivamente promove nos pais na grandi den exterior.

Y riba dje te ainda e gobierno actual no ta logrando na hisa e nivel di calidad di nos turismo, ya cu e turistanan ta gastando 13 dollar pa dia menos cu na 2009.

Pues mester conclui cu na 2014 pais Aruba ta gasta hopi mas na promocion pa trece turista Aruba, pero e turistanan cu ta bin aki mes ta gastando menos y ta laga menos placa atras den nos economia.

Esaki ta un muestra palpable con inefectivo e maneho di Gabinete Eman ta riba tereno di turismo: Gasta mas y haya menos. □

Mervin Wyatt-Ras (AVP):

Agenda importante durante reunion di Parlamento Latino Americano

Mervin Wyatt-Ras durante conferencia di prensa semanal a trece padilanti su participacion na e reunion tocante asuntonan di hende muhe organisador di Parlamento Latino Americano.

Na e ocasion aki Sra. Blanca Alcala, e secretaria ehecutivo di Parlamento Latino Americano tabata coordinador di e reunionnan aki hunto cu representantenan di Foro Nacional de Mujeres de Partido Politico y e organizacion mundial ONU de mujeres, celebrando alabes e di 50 aniversario di Parlatino.

E meta ta pa avansa mas den direccion di mas igualdad entre genero den diferente dimension tanto den sector



publico como priva. Tin cu traha na democracia a base di igualdad di hende. Tin cu sostiene y fortifica tur logro ariba tereno di legislacion tanto nacional como inter-

nacional garantizando alabes derechonan humano.

Ta necesario pa garantiza participacion di hende muhe tanto den comunidad como

den politica, unda hende muhe por tin igual oportunidad cu e ser masculino sin discriminacion den funcionnan publico ni den tumamento di decisionnan ariba nivel local y di e pais. Intencion ta pa yega na leynan di cuadra pa wordo uza den diferente pais.

Den diferente pais por constata cu hende muhenan ta ocupa rolnan importante politico, manera di prome minister, esta Violeta Chamorro (Nicaragua), Mireya Elisa Moscoso (Panama), Michele Bachelet (Chile), Christina Kirtchner (Argentina), Laura

Chinchilla (Costa Rica), Kim Campbell (Canada), Janet Jagan (Guyana), Portia Simpson Miller (Jamaica), Kamla Persad-Bissessar (Trinidad y Tobago) y Dilma Rousseff (Brasil). Pues por nota mas y mas hende muhe tin liderazgo.

E liderazgo aki ta importante y tin efecto pedagogico, e ta inspira mucha muhe y hende muhe adulto di aspira di ta lidernan, di pensamiento di hende muhenan poderoso, e hende muhenan mas dependiente ta haya incentiva y chempel pa supera nan mes, ademas tambe e ta trece cu hende muhe mas y mas ta presente ora ta tuma decisionnan importante.

Continúa riba Pagina 13

Dangui Oduber (MEP):

Turismo 2001-2009 di calidad y turismo 2010-2014 di cantidad

ORANJESTAD - E dianan aki minister di turismo Otmar Oduber ta haciendo un show di otro mundo pasobra nos a yega 1 miyon turista huesped.

Logicamente nos tur mes-ter ta contento cu esaki pero alabes hopi preocupa con a yega e di 1 miyon huesped. Loke e minister ta lubida di menciona ta con a yega esaki, cuanto placa di mercado a wordo gasta, cual ta e turistanan cu a contribui pa yega 1 miyon huesped y mas importante unda e turistanan ta keda y ki calidad di turista nan ta.

E minister di turismo aki su meta ta pa crece den cantidad y no den calidad. Eynan nos ta diferencia di opinion cu otro pasobra nos partido ta pensa mas den un miho producto caminda por atrae e turistanan di miho calidad. Contrario

na esaki bo ta mira cu e enfoque di minister di turismo ta claramente pa crece den cantidad y pa ora esaki pasa duna su mes credito. E minister a bay asina leu di uza fondonan di ATA pa duna su mes reconocimiento. Recientemente tawata tin e Prestige Award cu e minister mes a organisa caminda e mes a sali man of the year. E minister aki mes ta toca y e mes ta baila.

No ta pornada awor e minister a anuncia e proyecto di Bahia Principe na Baby Beach. Ta trata aki di un proyecto di 1000 camber. Aki e ta reconfirma cu su vision no ta calidad sino cantidad. Si ta calidad e ta busca e ora na luga di trece un hotel di 1000 camber all inclusive e lo mester a busca un hotel estilo boutique cu no mas cu 150 camber. Lamentablemente esey no a sosode y Aruba ta

bira un isla cu no ta ofrece exclusividad mas. Loke Aruba ta ofrece awor aki ta masa turismo y e turista cu tin customer di bin Aruba ta bin pa su tranquilidad. Awor aki unda cu e turista bira e ta mira e asina yama 'zwerftoeristen' ta cana riba caya den tur distrito.

Si nos analisa e cifranan turismo bo ta wak claramente unda e aumento di cantidad di turismo ta y unda e turistanan aki ta huesped. Turismo desde Venezuela a aumenta cu casi 40% compara cu aña pasa. E turistanan aki no a bay keda na hotel pasobra ocupacion di hotel a baha. Loke si a subi extra potencialmente ta e estadia di turistanan na apartamento y casnan priva. Compara cu e prome 11 lunanan di aña 2013 esaki a crece cu 106%. E indicador aki ta duna di conoce cu esunnan cu ta biniendo Aruba

no ta kedando na hotel mas sino den casnan priva of apartamentonan. No ta pornada e directora di ATA a bisa cu lo mester bay cobra e apartamentonan y casnan priva paga impuesto di camber. E la bisa esaki pasobra ATA tambe ta bon consciente di esaki y ta e minister ta e unico cu NO ta reconoce esaki.

E turistanan cu ta bin Aruba cu paquete paga adelanta a aumenta di 39.7% na aña 2009 te cu 54.8% na aña 2013., un aumento di 15.1%.

Esaki ta bisa bo cu mas cu mita di e turistanan cu ta bin Aruba ta bin cu paquete paga adelanta. Esunnan cu ta bin cu paquete cu tur cos inclui a aumenta drasticamente di 20.7% na aña 2009 pa 43.7% na aña 2013, un aumento di 23.7%.

E turistanan cu ta bin Aruba cu areglo propio a baha for di 60.3% na aña 2009 te cu



45.2% na aña 2013, un caída di 15.2%. For di e cifranan aki bo conclui cu e turistanan cu ta biniendo Aruba ta esunnan cu ta sea cumpra paquete paga adelanta of ta bay keda na un hotel cu tur cos inclui.

Esunnan cu ta regla nan mesun estadia a baha dramaticamente. E datonan menciona ta datonan oficial di CBS y ta straña nos masha hopi cu e minister di turismo no kier papia di e detayenan aki. E minister kier papia solamente di cantidad pasobra den e caso aki esey ta cumbini e minister papia di dje. □

Agenda importante durante reunion

Continuacion di Pagina 12



Por constata sinembargo cu aunke tin diferente pais cu tin alabes ley pa garantiza por lo menos cu 30% di Parlamentonan ta consisti di hende muhe, hende muhe den diferente pais ta keda na victima tanto di discriminacion como tambe di basilamento, abuso y maltrato.

Den esaki e mentalidad di un comunidad respet hende muhe ta hunga un papel importante. Tin diferente stereotipo na cual ta mara

e hende muhe, cual nan ta ser traspasa di generacion pa generacion. Den debate tanto plenario como den grupo a discuti en cuanto con pa anda y elimina factornan structural cu ta mantene discriminacion, basilamento y violacion di hende muhe. Stereotiponan cu tin di hende muhe cu ta ser uza contra di e hende muhe.

P.e. yama e hende muhe cu e ta yora, cu e ta dependiente,

cu e mester ta den cushina. Wyatt-Ras ta trece padilanti cu den Parlamento di Aruba tambe tin violencia contra di hende muhe cu ofensa den direccion di hende muhe.

El a trece su mesun experiencia padilanti unda cu ora e cu su colega a vota pa e versoberingswet, sin duna ambos oportunidad pa splica a saca nan malamente di partido pa despues keda tira palabra ofensivo den nan direccion y trata di dañá nan bon

number.

Esaki ta un fenomeno conoci den otro paisnan Latino Americano y tin leynan pa sali na vanguardia di e hende muhe den politica.

Wyatt-Ras ta trece padilanti cu na Aruba pesar cu nos no tin varios di e leynan manera e otro paisnan nos hende muhenan a avansa hopi den ultimo 25 aña.

Por nota tin mas mucha muhe cu mucha homber ta caba scolnan secundario y

sigui studia.

Esaki ta positivo pero hecho aki tin cu transforma su mes den mas oportunidad pa trabao.

Medionan di comunicacion tambe tin un rol inmenso den kibra cu e diferente stereotiponan y aki ta un reto pa e politico pa e por tin mas contacto cu e medionan di comunicacion cu tin un rol importante di influencia pensamiento di un comunidad. □



Mayornan na careda:

Muchanan di scol a shuata na celebracion di Pasco

WILLEMSTAD – Un gran cantidad di mucha a venena cu e cuminda cu nan a come na un celebracion di Pasco cu a tuma luga ayera.

Ta trata di dos scol Catolico caminda muchanan a bira malo. Informacionnan confirma ta indica, cu ta trata di un situacion serio, aunke no fatal. Tabatin mencion di un di tres scol pero nos no a haya confirmacion di esey. Na cabamento di aña y ora scol ta bay cera ta tene celebracion di Pasco na diferente scol. Na tres scol despues di e celebracion muchanan a bira malo. Un di e mayornan a bisa, cu el a haya un panico enorme, na momento cu e mucha a cuminsa saca y a haya diarea. E mucha a splica cu a duna nan webo yena, macaroni y ham di Pasco. E mama tabata furioso, pasobra su yiu a bisa su juffrouw cu

e cuminda no ta bon. E juffrouw a contesta: “Mucha come y cera bo boca”. Dokternan di cas a haya masha yamada di mayornan pa atende cu e muchanan. Te ayera mainta ainda tabatin mucha cu tabata acudi na dokter pa e sintomanan cu nan a haya. Diferente dokter di cas a confirma e situacion cu a presenta. Loke nan a recomienda mayornan ta pa e muchanan bebe gravol (cu por haya solamente cu recept) pa para e sacamento. Banda di esey e mucha mester caba cu su diarea pa saca tur cos di su curpa. Cu otro palabra no por para e diarea, aunke tin remedi pa esey. Sobre e mucha mester sosega y drumi te ora su condicion ta mas miho. Un di e dokternan a splica, cu e casonan aki no ta fatal y cu bon cuidio y atencion den algun dia e mucha ta riba pia atrobe. Sinembargo el a indica cu mayornan mes-

ter pidi cuenta y rason na scol riba loke a pasa. Pero como cu scol a cera caba, ta te cuminsamento di aña por pidi un splicacion.

Un di e cosnan cu mester bin claridad riba dje ta, ken a traha riba e cuminda. Hopi biaha pa scapa gasto ta laga cualke hende traha cuminda cu tur e consecuencianan cu esey ta trece. Hopi biaha e hendenan no ta wordo gekeur, aunke si bo ta wordo gekeur mes e no ta ningun garantia. Un mayor a bisa cu tur aña ta pidi un contribucion di mayor pa e celebracion di Pasco. El a keda straña cu esey no a tuma luga e aña aki. Kisas a tene e gastonan abou y hustamente a bay traha cu ken cu ta loke a crea e problema, asina e mayor a bisa.

E caso ta muestra riba e situacion general caminda principalmente den fin di aña, pero tambe por ehempel den temporada di carnaval tin hopi

hende ta come tur caminda sin wak e condicionnan higienico. No ta straño cu fin di aña consultorionan ta yen cu pashentnan victima di cuminda dañá.

Reaccion Directiva di Scol Catolico

Directiva di Scol Catolico, den un reaccion ta lamenta cu tin mucha cu a bira malo despues dje comemento di Pasco. Directiva di Scol Catolico ta confirma, cu 2 mucha a meld na EHBO ayera cu kehonan di sacamento y diarea. Un di St. Margarethaschool y un di St. Paulus College. Tur dos su situacion no tabata di gravedad y a referi nan pa dokter di cas. E director di St. Paulus a haya informacion cu 8 mucha di su scol a bira malo despues di e cena. Director di St. Margaretha a haya meld di 11 mucha cu a bira malo. “Nos ta lamenta esaki profundamente, tanto pa e muchanan

mes como pa e mayornan y e docentenan”, Director di Directiva di Scol Catolico, Lisette van Lamoen-Garmers, ta splica.

Directiva di Scol Catolico ta den contacto cu GGD y cu e 2 cabesnan di scol cu tin e muchanan cu a sinti malo. Cada scol tabatin nan mes coki y nos a papia cu tur dos tambe pa tin informacion. E hecho cu diferente coki a prepara e cuminda pa e diferente scolnan, ta exclui cu e causa ta mara na un coki. GGD no por a confirma ainda ta kico a causa e shuatamento aki.

Directiva di Scol Catolico, pesar cu ainda e no ta dispone di tur dato, ke pa mayornan sa kico a pasa pa si acaso nan yiu tambe a sinti malo, nan por alerta nan dokter di cas. Directiva di Scol Catolico ta lamenta e suceso aki y ta spera pa e muchanan recupera pronto pa nan gosa di un Pasco bendiciona. □

PvdA y VVD a logra acuerdo pa evita cu gobierno ta cay



AMSTERDAM, Hulanda - Partido VVD y partido PvdA, a logra un acuerdo ayera riba e ley nobo pa cuidio medico, evitando asina cu gabinete Rutte II lo a conoce un final abrupto.

Algun cambio cu minister di Salu Publico Edith Schippers a haci den e ley, e pone partidonan yega na un compromiso, aunke, manera lider di PvdA Diederik Samson a bisa, e no por duna niun garantia pa futuro.

A surgi tension serio siman pasa entre e dos partidonan cu ta forma coalicion na Hulanda, esta PvdA y VVD, relaciona cu un proposicion di ley di cuidio medico, un proposicion di ley di minister Edith Schippers (VVD) di Salu Publico.

E crisis a conduci na deliberacionnan intensivo cu tabata menasa di caba den un crisis serio den gobierno. Ta trata di e plan den cua minister Schippers kier pa seguronan ofrece un polis den

cua nan ta cubri solamente tratamiento di especialista cu cua e seguro tin un contrato. Dje forma aki e ke laga seguronan cumpra cuidio mas barata.

E medida lo nifica cu gobierno ta spaar 1 mil mion euro. 38 Congresista a vota contra, 33 a vota na fabor den Eerste Kamer.

Tres parlamentario di PvdA a resulta disidente: Guusje Ter Horst, Marijke Linthorst y Adrie Duivesteyn como sorpresa a vota contra.

Prome cu esey, Schippers a sigura su mes di un mayoria. Un dia prome, varios dirigente politico, incluso prome minister Mark Rutte durante cua a papia riba varios aspecto. Niun ora so, e asunto aki, di un eventual malcontento no a bin riba mesa.

Ayera, partidonan a sinta na mesa cu e tres “disidentenan” y a hiba un combersacion largo cu nan. E tres parlamentarianan aki tabatin problema fundamental cu e ley.

Final di cuenta a yega na un compromiso, aunke esey no ta niun garantia pa futuro, segun a sali na cla siman pasa. Henter e asunto aki a pone, segun observadornan politico hopi yega na Binnenhof cu ta surgi e pregunta si por sigui traha cu PvdA, esta si ta un partido cu por confia.

Nan ta kere cu ta e partido a bira un partido sin direccion. E ley mester bin na votacion ainda, pero partido VVD ta conta cu e lo haya sosten di un mayoria. □



Entrante 1 di januari, sueldo minimo ta subi cu 2.8%

WILLEMSTAD - Entrante 1 di januari 2015, sueldo minimo na Corsou ta wordo adapta cu 2.8 %. Esaki ta nifica cu sueldo minimo entrante otro aña ta subi di 7 florin cu 93 cen manera e ta awor aki pa 8 florin cu 15 cen pa ora, asina minister Ruthmilda Larmonie-Cecilia a anuncia siman pasa durante e conferencia semanal di gobierno den Forti.

Cu esaki, esunnan cu ta gana sueldo minimo por ta garantisa cu e aña binidero nan lo bay un tiki dilanti den nan entrada, contrario na loke a pasa na 2014.

E aña aki, e grupo cu ta cobra sueldo minimo a cay chikito: gobierno no a adapta e sueldo, manera ta custumber.



Asina cu Hensley Koeiman, parlamentario, alabes lider di fraccion di partido MAN

a bati bel desde cuminsamento di aña. El a adverti cu e ta teme cu esunnan cu ta cobra sueldo minimo lo cay

chikito e aña aki. E aña aki, el a bisa lo no adapta sueldo minimo na aumento di costo di bida, manera sa sosode tur aña. Koeiman a bisa di a compronde cu minister di Labor, Asunto Social y Bienestar (SOAW) di e tempo ey Jeanne Marie Fransisca no a firma e papelnan corespondiente pa e adaptacion aki por tuma luga.

Koeiman ta ex minister di SOAW: e la ocupa e cartera prome cu Jeanne Marie Fransisca.

E adaptacion aki, segun Koeiman ta di vital importancia pa esun cu ta gana solamente sueldo minimo, paso e ta soru pa e forsa di compra di e trahado no bay atras.

El a bisa cu ley ta bisa explicitamente cu no por adapta

sueldo minimo cu forsa retroactivo, algo cu ta implica cu e trahado lo mester biba un aña largo cu e mesun sueldo, mientras cu costo di bida a subi. Parlamentario Jaime Cordoba a sali publicamente rechasa cu e adaptacion no ta bay tuma luga, pero final di cuenta ta esey a sosode.

Varios dirigente politico mas a critica e situacion aki, entre nan Anthony Godett y ultimamente, Gerrit Schotte.

E actual minister di SOAW Ruthmilda Larmonie-Cecilia claramente a tuma e asunto aki na serio y a traha riba dje asina cu e la sinta algun luna pasa.

E la anuncia ayera cu e decision ta tuma y cu trahadonan cu ta gana sueldo minimo lo haya un aumento di 2.8% pa ora. □

Segun Minister José Jardim di Financia:

“Niun hende ta bay atras na entrada cu paquete fiscal”

WILLEMSTAD - Niun hende ta bay atras, cu e paquete di ley fiscal cu gobierno ke introduci. E leynan aki ta pa baha e presion di belasting riba e ciudadano, e ta destina pa simplifica e sistema di cobra impuesto y e mester conduci na un miho reparticion di impuesto, esta cu esunnan cu mester paga impuesto, ta cumpli cu nan deber.

“Pasobra, cumpliendo cu nan deber, nan ta evita cu e presion di mester paga impuesto ta bira mas halto cerca esunnan cu ta cumpli cu nan obligacion,” minister di Financia José Jardim a accentua ayera den parlamento.

E paquete fiscal tabata tema central den reunion di Comision Central di parlamento ayera.

Manera la prensa a informa exitosamente caba, e paquete aki, cu ta nifica cambio den e ley di Loonbelasting, Ley di Impuesto di ganashi, Impuesto riba propiedad y Ley di Impuesto riba entrada tabata motibo pa basta conmocion ultimo dianan.

Si e paquete fiscal cu tin riba mesa keda manera e ta awor aki, Partido Nacional di Pueblo lo duna un NO rotundo si e bin den parlamento y yega na votacion, ta loke lider di e partido Humphrey



Davelaar a declara. Pero e declaracion ey tabata prome cu e adaptacion cu minister Jardim a anuncia ayera.

Partido Nacional di Pueblo ta wak interes di pueblo. Nos no ta wak cifra so, Humphrey Davelaar lider di fraccion di e partido berde a agrega.

Por cierto cu otro parlamentario, Charles Cooper di partido MAN tambe a cuestiona si e ciudadano berdaderamente ta bay dilanti.

El a splica cu kisas e trahado ta haya un tiki mas den su man fin di luna, pero di otro banda e no ta haya mas loke e tabata haya despues di yena su papel di belasting fin di luna, simplemente pasobra e tin menos gasto cu ta deducibel, cu lo a nifica cu e ta haya

mas placa bek como restitution.

Cooper a adverti comunidad pa no cay den e wega aki.

E tambe a declara esaki prome cu e anuncio di minister Jardim ayera, cu a suavisar e diferente aspectonan di e ley.

Partido MFK ayera mainta a tene un manifestacion dilanti edificio di parlamento, pa protesta contra e intencion aki di gobierno, cu, pa lider di e partido Gerrit Schotte ta nada otro sino mas medida contra pueblo.

E manifestantenan tabata bisti cu un T-shirt blanco cu varios lema riba dje, indicando mesora cu nan kier pa e gobierno aki bay cas.

“Si un gobierno por hinca

den su cabes pa cobra impuesto riba solo, mañan e ta cobra impuesto riba e awa di rembak na bo cas tambe.

Loke ta pasa ta cu e medidanan cu Jardim a tuma aña pasa, no ta produciendo e entrada cu e la calcula y awor e ke bin cu mas medida pa cumpli cu deseo di Colegio pa Supervision Financiero (CFT) pa compensa e menos entrada aki. Esaki ta inaseptabel”, Gerrit Schotte a bisa den un declaracion cu el a duna pa prensa y e manifestantenan.

Un desaroyo importante ayera tabata cu parlamento a scucha gremionan den comunidad. A scucha sindicatonan y gremio di comercio, loke, si mester scucha e prome reaccionnan, a cay den masha bon tera. Mester bisa cu e gremionan no tabata para den forma negativo pa e paquete fiscal, aunke nan tabatin nan preocupacion pa cierto puntonan den e leinan.

Minister Jardim, a anuncia cu gobierno a adapta e paquete di ley manera e tabata originalmente. Esaki a sosode, despues di conseho di Organo di Consulta cu tabata critico riba e paquete y despues di conseho di SER. Tambe asina cu gobierno a scucha gremionan den comunidad.

A base di esaki a dicidi cu ta

draai bek e decision pa elimina e posibilidad pa deduci interes riba hipoteca, draai bek e decision pa elimina e posibilidad pa deduci interes riba credito di consumo y e donacion y suma di sponsor cu un empresa ta haci.

Tin algun otro cambio cu si ta keda na vigor, por ehempel cu director di un compania mester hinca un salario pa su mes den administracion di e empresa y eliminacion di e posibilidad pa deduci tanto gastonan di representacion y gastonan pa reduci balor di medionan di e empresa, por ehempel auto.

Si den e proposicion original di e paquete fiscal tabatin un grupo di mas o menos 700 ciudadano cu lo a bay atras, den e proposicion adapta, esey lo no ta e caso mas.

Minister Jardim a haci uzo di masha hopi cifra y ehempel den su presentacion ayera den parlamento.

Fraccionnan di oposicion di parlamento no a parce di ta masha convenci di e cambionan anuncia den e paquete y a keda di studia esaki mas profundo.

E paquete di ley fiscal proximamente mester ser trata den un reunion publico, den cua parlamento lo vota riba e paquete. E intencion ta pa esey sosode prome cu fin di aña ainda. □

Sudoku BON DIA, train bo mente



FACIL MEDIO

							6
	3			1			8
2		4		5	9		
	8			9		1	
3							2
		5		3			6
			1	2		4	3
5				6			2
7							

9	2		3		6		
		1		2	4	6	
5							1
	4				7		
1		3	4		2	7	6
			1				8
8							2
		7	2	8		9	
			6		1		3

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio.

Pa resolve bo ta pone number den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □



DOCTER



NA WARD
Oranjestad
Dr. van Ool

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

Oranjestad: Kibrahacha Tel: 583-4908
San Nicolas: San Lucas Tel: 584-5119

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP



December 23
Sea Cloud
Maasdam

MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION
FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga
Aruba
(FADA) Tel: 583-2999

FUNDACION
Respetami

Tel: 582-4433

Diabetic Foundation
Arubano

Tel: 583-3808

Narcotics Anonymous

Tel: 583-8989

Foundation Amor
pa Prohimo

Tel: 583-3345 /586-6976

Women in Difficulties
Foundation
Tel: 583-5400

Corte di Prome Instancia

Esaki ta e casonan cu lo
wordo trata dia 22 di
januari 2015

Orario	Sospechoso	Acto Castigabel
08.30	R.S.M.A. R.E.P. E.J.L.	A., L. y P. ta wordo acusa di a menasa un y of dos persona cu morto y/of maltrato riba 16 di maart 2013, di un forma di menasa, a pone arma di candela riba e persona(nan) aki, unda ta bisa nan "Habri porta! Habri porta!" (mientras tabata punta arma riba nan), ta bisa un di nan cu e tin boca grandi y cu lo dal e cer'e (cu arma poni na su cabes), rista e cas (cu arma di candela den man). Ademá nan ta wordo acusa di a drenta ilegalmente un cas riba 16 di maart 2013.
11.00	Y.D.R.C.	R.C. ta wordo acusa di ladronicia den un tienda di joyas y/of holoshi y/of un maleta den e periodo di 12 pa 13 di september 2014.
11.10	R.A.P.	P. ta wordo acusa di ladronicia di Afl. 5 riba 13 di maart 2014.
11.30	V.A.R.M.	R.M. ta wordo acusa di ladronicia di un of mas television, di un of mas laptop, hoyas, un camara y un holoshi di man riba 29 di september 2014.
11.40	E.P.P.	P. ta wordo acusa di posesion di cocaina riba 5 di maart 2014.



Ham di Pasco Horna

Ingredientenan:

- 1 Smoked Ham
- 1 bleki slice di pineapple
- 1 cup di pineapple juice
- 1 cup di sucu bruin
- ½ cup di stropi Karo of Molasses (bruin)
- 1 botter cherry cora
- 1 botter cherry berde
- Clabo y toothpicks

Saca e ham 1 dia prome cu horne for di freezer. Kita e cuero cu ta rond di e ham. Pone e ham den un baki of plancha, bruha e pineapple juice cu e sucu bruin y e stropi Karo y bashe riba e ham. Cada 20 minuut ta bolto e ham den e stropi pa 2 ora. Saca e ham for di e stropi y pone den un otro baki. Hinke den forno bon cayente na 400 grado pa 1 ora y mei. Esaki pa un ham mediano. Despues di 1 ora y mei ta scherf cu un cuchiu y hinca clabo aden (e banda cu tin manteca). Y e mezcla di sucu hunto riba e ham cu un kwashi. Kinke den forno atrobe pa ½ ora. Despues di ½ ora sake for di forno y one adorno di e slice di pineapplenan y e cherry cora y berde cu toothpick. Hunta e pineapple cu e cherry cu e sucu y horne atrobe pa 15 minuut.



Aries

Awe lo bo sinti un deseo fuerte di siña riba cierto tema y bo kier busca personanan cu sa algo pa intercambia idea. Bo numbernan di awe 27, 38, 41 y 43.



Tauro

Bo inconsciente lo ta provoca pa preguntanan relaciona na sex, morto, transformacion y regeneracion. Bo numbernan di awe 12, 23, 31 y 47.



Geminis

Pone atencion na bo financia riba e dia aki y den e manera cu nan ta relaciona cu bo rutina diario. Bo numbernan di awe 23, 32, 40 y 44.



Cancer

Awe e nerviosismo ta haci bo duda. No haya stress cu detayenan di ultimo momento. Tuma e cosnan un pa un y no preocupa pa e total den e momento aki. Bo numbernan di awe 6, 10, 12 y 15.



Leo

E temanan cu ta concerni bo famia y balornan estableci ora bo tabata hoben lo ta cuestiona na e momentonan aki. Bo numbernan di awe 9, 15, 24 y 33.



Virgo

Ta existi un enfasis den e pensamiento analitico na e dia aki cu ta pidi bo mas practica den loke bo ta busca den e berdad scondi. Bo numbernan di awe 11, 26, 35 y 44.



Libra

E financia y careda ta e palabranan di moda di dia y lo bo descubri cu e consulta cu un figura autorisa lo ta di ayudo grandi ora ta trata e aspectonan aki den bo bida. Bo numbernan di awe 1, 25, 33, 45 y 50.



Scorpio

E relacionnan cu otro lo hunga un parti clave den bo actividadnan di e dia aki. Bo numbernan di awe 8, 17, 28 y 30.



Sagitario

E otronan ta ingrediente esencial riba e dia aki y lo bo descubri cu relacionnan lo ta specialmente honorabel. Bo numbernan di awe 6, 19, 20 y 35.



Capricornio

Bo salud di awe lo ta preocupa bo mas di lo usual. Sigura cu bo balornan interino ta den linea cu bo accionnan exterior. Bo numbernan di awe 8, 11, 23 y 32.




Aquario

A pesar cu bo ta un persona practica y cu e pianan riba tera, awe lo bo funciona na un nivel especificamente eficiente. Bo numbernan di awe 7, 19, 22 y 44.



Pisces

E muchanan ta un fuente di inspiracion y placer pa bo y bo gusta purba bo mes ya sea contando nan un storia of skirbi riba nan. Bo numbernan di awe 21, 27, 35 y 51.



Martica Theolinda Lampe a gana e di tres premio di Setar

ORANJESTAD - Martica Theolinda Lampe di Papiilon a gana e di tres premio special di fin di aña y a bira ganado di e suma di 1000 florin pa e haci compra na e supermercado di su gusto. Recientemente el a topa cu ehecutivonan di Setar na Mundo Nobo Supermarket na unda el a ricibi su premio.

El a expresa cu e no por a kere na prome instante cu el a gana, pero el a bay na e su-

permercado di su preferencia pasobra el a wak cu e number en berdad tabata di SETAR. Tur aña SETAR ta regala premionan durante temporada di Pasco.

Un di e actividadnan cu SETAR ta organisa ta e Shopping Spree pa su clientenan cu gana na balor di Afl. 1.000,=.

Martica Theolinda Lampe di Papiilon ta e di 3 ganado di un total di 5 premio di cada un 1000 florin na Shopping Spree.



Tur siman lo saca un otro ganado cliente di Setar. Riba e potret por mira momento

cu Ronica Lopez, ehecutivo di departamento di mercado di Setar ta haci entrega di e

premio y tambe por mira cu e ganadora a cuminsa shop mesora! □

Juanita Dorothal Cordero a celebra 25 aña di servicio

ORANJESTAD - Pro-cedente di Pinel, na e Republica Dominicano, Juanita a bin biba na Aruba 26 aña pasa, y pa un tempo el a traha den un restaurant labando plato, te ora cu el a gana suficiente pa lanta riba su pianan y establece su mesakinan y casa.

Juanita a cuminsa traha como personal cu ta atende cu e cambenan den e departamento domestico di e compleho unda e ta labora y a sigui cu un cantidad di promocion.

Aunke cu su esposo a fayece, Juanita ta raporta cu el a sigui bin traha cu e mesun alegria y e mesun entusiasmo compara cu e dia cu el a cuminsa traha eyan. Su coleganan y amistadnan ta mira su persona como un persona motiva cu ta tuma iniciativa pa su mes.

Den su tempo liber, Juanita ta haci trabou boluntario, bishitando e habitantenan di casnan anciano y bishitando nos hospital pa lesa buki pa e



pashentnan interna.

Como un empleado, Juanita a ricibi un cantidad di premio di extra miya pa e hecho cu el a haci hopi mas y a bay mas leu cu su responsabilidad normal, y el a wordo nomina varios biaha tambe pa e titulo di Empleado di Luna, y el a wordo eligi como Empleado di e Kwartaal na varios ocasion.



Describi como un ser individual consciente, fiel, dedica y cu ta traha duro, Juanita semper ta pone su trabou na prome luga, prome cu su consideracion personal.

Na ocasion di su aniversario, e Hunta di Directiva y Gerencia a duna Juanita pabien cu su trabou bon haci y nan a desea Juanita hopi aña mas di servicio, gradiciendo e pa su tantisimo contribucionnan

Tayer di Pasco

Recientemente tabata tin un exitoso tayer di 5 x diferente Champagne di e region nan di Riems di Francia coordina pa di Sr. Monrick Croes na " The Wine Room " na Orange Plaza.

E region aki cu a wordo crea pa Guals cu a bira un ciudad grandi den e periodo di e Imperio Romano. Champagne ta un sparkling wine cu druifnan di e region di Champagne na Francia, cu

ainda ta sigui e reglanan di e fermentacion secundario den e boter pa crea un miho carbonacion. Un sabor di Champagne semper mester wordo acompaña cu sushi pa motibo cu e yeast ta harmonisa sublime cu e soy sauce. E sushi a wordo busca na " Sushi Shap " na Tanki Leendert.

Ariba e potret por aprecia Sr. Monrick Croes hunto cu e participante nan pa e testamento. □



Bruschetta di tomati seco

Ingrediente

Porcion pa 12 persona

- 6 tomati peer chikito corta na bloki
- 1/2 copi di tomati seco
- 3 djente di conoflok corta chikito
- 1/4 copi di azeta di oleifi
- 2 cuchara di azeta balsamico
- 1/4 copi di albahaca fresco
- salo y peper na bo gusto
- 1 pan baguette corta na rol di 2cm diki
- 2 copi di keshi mozzarella na drachi

Preparacion

keinta e forno na 220 C (modera -fuerte).

1. Den un comchi grandi bo ta pone y mescla e tomatin cu e tomati seco cu e conoflok, e azeta di oleifi, salo y peper. Laga cu e mescla ta trek pa 10 minuut.
2. Corta e baguette den rol di 2cm. Den un scalchi pa horna bo ta pone e pannan y bo ta laga nan tosta den forno pa 2 minuut.
3. Pone un cuchara grandi di e mescla di tomati riba cada rol di pan y pone basta keshi mozzarella riba dje.
4. Bolbe pone den forno pa 5 minuut te ora cu e keshi a smelt. Prome cu bo sirbi bo hendenan bo ta dorna cu e blachi di albahaca fresco. □



Webo yena cu cori

Ingrediente

Porcion pa 8 persona:

- 8 webo herbi duro
- 1 1/2 cuchara di crema di lechi
- 1 1/2 cuchara di mayonaise
- 1 cuchara di juice di lamunchi
- 1 cuchara chikito di promenton
- 1 cuchara chikito di cori na puero
- 1 cuchara chikito di mosterd
- Algun drup di salsa Ingles tipo Worcestershire
- Salo na bo gusto

Preparacion

1. Corta e webonan na mita den su largo. Saca e dor di e webo y pone den un comchi hunto cu e promenton, mayonaise, cori, crema di lechi, lamunchi, salo, mosterd y salsa Ingles
2. Mescla tur cos bon te ora bo logra un pasta suave y homo geneo. Pone e pasta den un pomp cu boca di strea y yena e webonan. Pone tur den frishider te ora bo ta bay sirbi. □



Mozzarella den salsa di Pasco

Ingrediente:

- 2 bol di mozzarella
- 6 oleifi preto
- Casca raspa di un lamunchi,
- 1/2 djente di conoflok
- 1/2 cuchara chikito di salo maldón,
- 45ml do azeta di oleifi virgen,
- Peterselie fresco
- 1/2 madam Jeanette fresco
- peper
- granat

Preparacion

Nos ta cuminsa cortando e keshi den slice di 5mm. diki, y nos ta pone den e plato cu nos lo bay sirbi nos hendenan.

Den un "food processor" nos ta mula e conoflok y e peper y nos ta pone den e comchi hunto cu e casca di lamunchi raspa y e oleifinan corta chikito, nos ta mescla esey bon. Seguidamente nos ta continua poniendo salo, peterselie corta chikito y e azeta y nos ta bolbe mix tur cos hunto te ora cu e ta completamente integra den otro.

Nos ta basha e salsa riba di e mozzarella y nos ta pone e granat riba dje. □



Pie di CranBerry cu Brie

Ingrediente

- 8 ons di saus di Cran Berry, cumpra of traha na cas
- 5 ons di keshi Brie
- 2 mansa fini (pie crust) de 9 duim
- 1 webo

Instruccion

- Keinta e forno na 425°F.
- Rek e mansa. Corta cu un figura rondo di 3-4 duim di e mansa, corta mes hopi ronchi cu bo por saca. Bo lo por saca 4 a 5 ronchi.
- Memey di cada ronchi, bo ta pone un cuchara di e saus di Cran berry y e keshi Brie. Dobra esey manera un media luna y cera e rand suavemente.
- Cu un forki pasa den hariña bo ta pres e rand pa segura cu e ta bon cera.
- Haci mescos cu tur e pic nan. Pone tur riba un teblachi pa forno, corda pone un poco vet prome pa evita cu e ta pega.
- Bati un webo cu un tiki awa. Cu un cuashi chikito bo ta pone un poco di e mescla di webo riba cada pie.

